

資治通鑑補

資治通鑑補卷第九十六

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

晉紀十六

起咸康四年
盡咸康七年

顯宗成皇帝中之下

戊咸康四年

趙石虎建武四年戊戌改號漢李壽漢
興元年代拓跋什翼犍建興元年

春正月燕王皝

遣都尉趙縈如趙聽師期趙王虎將段遼募驍勇者三萬人悉

拜龍騰中郎會遼遣段屈雲襲趙幽州幽州刺史李孟退保易京

虎乃以桃豹為橫海將軍王華為渡遼將軍帥舟師十萬出漂淪

津

水經曰清河東北過漂淪邑入于海注云漂淪故城俗謂之角
飛城志記云石勒使王述衣臨于角飛隄土也記曰勃海郡高

城縣東北一百里北盡漂渝東縣巨海民咸義靈爲業支雄爲龍驤大將軍姚弋仲爲冠軍

將軍帥步騎十萬爲前鋒以伐遼三月趙槃還至棘城燕王皝

引兵掠令支以北諸城段遼將追之慕容翰曰今趙兵在南當并

力禦之而更與燕鬪燕王自將而來其士卒精銳若萬一失利將

何以禦南敵乎段蘭怒曰吾前爲卿所誤事見上卷以成今日之

患吾不復墮卿計中矣乃悉將見眾追之皝設伏以待之大破蘭

兵斬首數千級掠五下戶及畜產計以歸趙王虎進屯金臺按

經註金臺在涿郡故安縣有金臺故臺在時百姓饑饉軍供有闕

虎大怒范陽太守惶怖避匿郡功曹李續時方弱冠挺身謂虎曰

郡帶北裔與寇接壤疆場之閒人懷危慮聞輿駕親戎將除殘賊

雖嬰兒白首咸思效命非惟爲國亦自求甯即使身膏草野猶甘

爲之敢有私吝而闕軍實但比年災儉家有菜色困敝力屈無所

取濟遺廢之罪情在可矜虎見續年少有壯節嘉而恕之乃遣支

雄長驅入薊段遼所署漁陽上谷代郡守相皆降取四十餘城北

平相陽裕帥其民數千家登燕山以自固五代志北平無終縣有燕山諸將恐

其爲後患欲攻之虎曰裕儒生矜惜名節恥於迎降耳無能爲也

遂過之至徐無徐無縣屬北平郡其地在唐薊州玉田縣界段遼以其弟蘭既敗不敢

復戰帥妻子宗族豪大千餘家象大猶言豪帥也是時東北夷率謂主帥爲大部帥曰部大城主曰

是也棄令支奔密雲山水經注密雲成在禦夷嶺東南九十里馳是也

平山蓋密雲山在漢平岡縣界將行執蔡容翰手泣曰不用卿言

自取敗亡我固甘心令卿失所深以爲愧翰北奔宇文氏遼左右

長史劉羣盧諶崔悅等封府庫請降羣諶悅奔令支見九虎遣將

十卷元帝大興元年

成帝咸康四年

軍郭太麻秋帥輕騎二萬追遼至密雲山獲其母妻斬首三千級
遼單騎走險遺其子乞特真奉表及獻名馬於趙虎父之虎入令
支宮論功封賞各有差徙段國民二萬餘戶于司雍兗豫四州士
大夫之有才行者皆擢敘之陽裕詣軍門降虎讓之曰卿昔爲奴
虜走今爲士人來豈識知天命將逃匿無地邪對曰臣昔事王公
不能匡濟逃於段氏復不能全今陛下天網高張籠絡四海幽冀
豪傑莫不風從如臣比肩無所獨愧生死之命惟陛下制之虎悅
卽拜北平太守 夏四月癸丑以慕容皝爲征北大將軍幽州牧
領平州刺史 成主期驕虐日甚多所誅殺而籍沒其資財婦女
由是內外洶洶道路以且漢王壽素貴重有威名期及建甯王越
等皆忌之壽懼不免每當入朝常詐爲邊書辭以警急初巴西處

士龔壯父叔皆爲李特所殺壯欲報仇力弱不能積年不除喪壽
既與期有隙懼不自全乃數以禮辟壯壯雖不應聘而惡其見害
乃往見壽壽密問壯以自安之策壯曰巴蜀之民本皆晉臣節下
若能發兵西取成都稱藩於晉誰不爭爲節下奮臂前驅者如此
則福流子孫名垂不朽豈徒脫今日之禍而已壽然之陰與長史
略陽羅恆巴西解思明謀攻成都期頗聞之數遣許涪至壽所伺
其動靜又鳩殺壽養弟安北將軍攸壽乃詐爲妹夫任調書云期
當取壽詐言期欲取其眾其眾信之遂帥步騎萬餘人自涪襲成都許
賞以城中財物以其將李弈爲前鋒期不意其至初不設備壽世
子勢爲翊軍校尉開門納之遂克成都屯兵宮門期遣侍中勞壽
壽奏建甯王越景壽田襲姚華許涪及征西將軍李遐將軍李西

等懷姦亂政皆收殺之縱兵大掠數日乃定壽矯以太后任氏令

廢期爲邛都縣公幽之別宮

邛都縣屬越嶲郡

追諡戾太子曰哀皇帝羅

恆解思明李奔等勸壽稱鎮西將軍益州牧成都王稱藩於晉送

邛都公於建康任調及司馬蔡興侍中李豔等勸壽稱帝壽命筮

之占者曰可數年天子調喜曰一日尙足況數年乎思明日數年

天子孰與百世諸侯壽曰朝聞道夕死可矣遂卽皇帝位改國號

曰漢大赦改元漢興以安車束帛徵龔壯爲太師壯誓不仕壽所

贈遺一無所受特聽縞巾素帶居師友之列壽改立宗廟追尊父

驥曰獻皇帝母督氏曰皇太后立妃閭氏爲皇后果世子勢爲皇太

子更以舊廟爲大成廟

舊廟祀李特李雄者也建國號曰成壽改曰漢故以特耕廟爲大成廟凡諸

制度多所更易以董皎爲相國羅恆爲尙書令解思明爲廣漢太

守任調爲鎮北將軍梁州刺史李弈爲西夷校尉從子權爲甯州

刺史公卿州郡悉用其僚佐代之成氏舊臣近親及六郡士人皆

見疏斥

六郡士人與李特兄弟同入蜀者

邛都公期歎曰天下主乃爲小縣公不

如死五月縊而卒諡曰幽公葬以王禮 趙王虎以燕王璚不

會趙兵攻段遼而自專其利欲伐之太史令趙攬諫曰歲星守燕

分師必無功

天文志歲星屬精以其舍命國其所居久其國有德厚立穀豐昌不可伐也

虎怒鞭之璚

聞之嚴兵設備罷六卿納言常伯冗騎常侍官趙戎卒數十萬燕

人震恐璚謂內史高詡曰將若之何對曰趙兵雖彊然不足憂但

堅守以拒之無能爲也虎遣使四出招誘民夷燕成周內史崔巖

居就令游泓武原令常霸東夷校尉封抽護軍宋晃等皆應之凡

得三十六城泓遂之兒子也冀陽流寓之士其殺太守宋燭以降

於趙燭晃之從兄也營邸內史鮮于屈亦遣使降趙武甯令廣平
孫興曉諭吏民共收屈數其罪而殺之閉城拒守朝鮮令昌黎孫
泳帥眾拒趙大姓王清等密謀應趙泳收斬之同謀數百人惶怖
請罪泳皆釋之與同拒守樂浪太守鞠彭以境內皆叛還鄉里壯
士二百餘人其還棘城戊子趙兵進逼棘城燕王皝欲出亡帳下
將慕輿根諫曰趙彊我弱大王一舉足則趙之氣勢遂成使趙人
收略國民兵彊穀足不可復敵竊意趙人正欲大王如此耳奈何
入其計中乎今固守堅城其勢百倍縱其急攻猶足支持觀形察
變間出求利謂伺間出擊也如事之不濟不失於走奈何望風委去
爲必亡之理乎皝乃止然猶懼形於色元菟太守河陽劉佩曰今
疆寇在外眾心惴懼事之安危繫於一人大王此際無所推委當

自彊以厲將士不宜示弱事急矣臣請出擊之縱無大捷足以安
眾乃將敢死數百騎出衝趙兵所向披靡斬獲而還於是士氣自
倍說問計於封奕對曰石虎凶虐已甚民神共疾禍敗之至其何
日之有今空國遠來攻守勢異戎馬雖強無能爲患頓兵積日釁
隙自生但堅守以俟之耳說意乃安或說說降說曰孤方取天下
何謂降也趙兵四面蟻附緣城慕輿根等晝夜力戰凡十餘日趙
兵不能克壬辰引退說遣其子恪帥二千騎追擊之趙兵大敗斬
獲三萬餘級趙諸軍皆棄甲逃潰惟游擊將軍石閔一軍獨全閔
父瞻內黃人本姓冉趙主勒破陳午獲之命虎養以爲子閔驍勇
善戰多策略虎愛之比於諸孫虎還鄴以劉羣爲中書令盧諶爲
中書侍郎蒲洪以功拜使持節都督六夷諸軍事冠軍大將軍封

西平郡公石閔言於虎曰蒲洪雄雋得將士死力諸子皆有非常之才且握彊兵五萬屯據近畿宜密除之以安社稷虎曰吾方倚其父子以取吳蜀奈何殺之待之愈厚燕王皝分兵討諸叛城皆下之拓境至凡城崔叢常霸奔鄴封抽宋晃游泓奔高句驪皝賞鞠彭慕輿根等而治諸叛者誅滅甚衆功曹劉翔爲之申理多所全活趙之攻棘城也燕右司馬李洪之弟普以爲棘城必敗勸洪出避禍洪曰天道幽遠人事難知且當委任勿輕動取悔普固請不已洪曰卿意見明審者當自行之吾受慕容氏大恩義無去就當效死於此耳與普流涕而訣普遂降趙從趙軍南歸死於喪亂洪由是以忠篤著名初廐有駿馬曰赭白有奇相逸力國急皝將乘之以亡而馬輒悲鳴踟躕人莫能近皝曰此馬見異先朝孤常

仗之濟難今不欲出者蓋先君之旨也乃止未幾虎果奔退就益

奇之

至幕容傳之光壽元年此馬已四十九歲而駿逸不衰滿比之鮑氏馳命鑄銅以寫其像親爲銘贊饒助其旁保成而馬

死

趙王虎遣渡遼將軍曹伏將青州之眾戍海島運穀三百萬

斛以給之又以船三百艘運穀三十萬斛詣高句麗使典農中郎

將王典帥眾萬餘屯田海濱又令青州造船千艘以謀擊燕趙

太子宣帥步騎二萬擊朔方鮮卑斛摩頭破之斬首四萬餘級

冀州入郡大蝗趙司隸請坐守宰趙王虎曰此朕失政所致而欲

委咎守宰豈罪己之意邪司隸不進諫言佐朕不逮而欲妄陷無

辜可白衣領職虎使襄城公涉歸上庸公日歸帥眾戍長安

二歸亦石

氏之

族二歸告鎮西將軍石廣私樹恩澤潛謀不軌虎追廣至鄴殺

之乙未以司徒導爲太傅都督中外諸軍事郤鑒爲太尉庾亮

之

卷之二十一

晉書

一

田氏

爲司空六月以導爲丞相罷司徒官以并丞相府導性寬厚委任諸將趙允賈甯等多不奉法又有幸妾姓雷頗預政事納貨時人謂之雷尙盡大臣患之陶侃向警欲起兵廢導而郗鑒不從乃止至是庾亮與郗鑒牋曰昔於蕪湖反覆謂彼罪雖重而時敝國危且今方嶽道勝亦足有所鎮壓故共隱忍解釋陶公自茲迄今曾無悛改主上自八九歲以及成人入則在宮人之手出則惟武官小人讀書無從受音句顧問未嘗遇君子待臣雖非俊士皆時之良也知古今顧問豈與殿中將軍司馬督同年而語哉不云當高選侍臣而云高選將軍司馬督豈合賈生願人主之美翼以成德之意乎秦政欲愚其黔首天下猶知不可況欲愚其主哉人主春秋既盛宜復子明辟不稽首歸政甫居師傅之尊多養無賴之士

成人之主方受師臣之悖主上知君臣之道不可以然而不得不
行殊禮之事萬乘之君寄坐上九亢龍之爻有位無人公與下官
竝荷託付之重大姦不掃何以見先帝於地乎欲其起兵廢導
鑒又不聽緊旋入朝欲苦相規誠導知其意每引作他言鑒臨還
鎖故命驚詣導導翹須顴色以待之鑒既坐便言方當乖別必欲
言其所見意滿口重辭殊不流導卽攝其次曰後面末期亦欲盡
所懷願公勿復談鑒遂大噴冰矜而出不得一言鑒晚節好談旣
雅非所長而甚矜之故導以是塞其譴南蠻校尉陶稱侃之子也
以亮謀語導或勸導可潛稍嚴以備不虞導曰吾與元規休戚是
同悠悠之談宜絕智者之口則如君言元規若來吾角巾徑還爲
衣何所稍嚴又與稱譽以爲庾公帝之元舅宜善事之征西參軍

孫盛密諫亮曰王公常有世外之懷豈可爲凡人之事耶此必佞
邪之徒欲間內外耳亮乃止盛楚之孫也是時亮雖居外鎮而遙
執朝廷之權既據上流擁彊兵趣勢者多歸之導內不能平嘗遇
西風塵起舉扇自蔽徐曰元規塵汚人導以江夏李充爲丞相掾
充以時俗崇尚浮虛乃著學箴以爲老子云絕仁棄義民復孝慈
豈仁義之道絕然後孝慈乃生哉蓋患乎情仁義者寡而利仁義
者眾將寄責於聖人而遺累乎陳迹也凡人見形者眾及道者鮮
逐迹逾篤離本逾遠故作學箴以祛其蔽曰名之攸彰道之攸廢
乃損所隆乃崇所替非仁無以長物非義無以齊恥仁義固不可
遠去其害仁義者而已 漢李奕從兄廣漢太守乾告大臣謀廢
立秋七月漢主壽使其子廣與大臣盟於前殿徙乾爲漢嘉太守

以李閔爲荊州刺史鎮巴郡閔恭之子也恭李華之弟見入十八

月蜀中久雨百姓饑疫壽命羣臣極言得失壯壯封事稱陛下

起兵之初上指星辰昭告天地歃血盟眾與國稱藩天應人悅大

功克集而論者未諒權宜稱制今淫雨百日饑疫並臻天其或者

將以監示陛下故也愚謂宜遵前烈推奉建康彼必不愛高爵重

位以報大功雖降階一等而子孫無窮永保福祚不亦休哉論者

或言二州附晉則榮二州謂梁益也六郡人事之不便昔公孫述在蜀

客用事謂王元田戎劉備在蜀楚士多貴龍統黃忠董和劉巴

李嚴楊儀魏延蔣琬費禕董允等皆楚士及吳鄧西伐吳鄧吳漢舉國屠滅甯分客主

論者不達安固之基苟惜名位以爲劉氏守令方仕州郡曾不知

彼乃國亡主易豈同今日義舉主榮臣顯哉舉國奉晉爲義舉晉加以寵秩則主榮臣

論者又謂臣當爲法正法正敬劉備以取成都壯亦教齊取李期故論者以比之臣蒙陛下

大恩忝臣所安至於榮祿無問漢晉臣皆不處復何爲效法正乎

壽省書內慚秘而不宣 九月漢僕射任顏謀反誅顏任太后之

弟也漢主壽因盡誅成主雄諸子任后雄乙正室也壽以任顏之反必以立諸甥爲主故盡誅雄

諸子以絕人望冬十月光祿勳顏含以老遜位論者以王導帝之師傅

名位隆重百僚宜爲降禮太常馮懷以問含含曰王公雖貴重理

無偏敬降禮之言或是諸君事宜鄙人老矣不識時務旣而告人

曰吾聞伐國不問仁人向馮祖思問佞於我馮懷字祖思我豈有邪德

乎郭璞嘗遇含欲爲之筮含曰年在天位在人修己而天不與者

命也守道而人不知者性也自有性命無勞著龜致仕二十餘年

年九十三而卒含字宏都琅邪人也少有操行以孝聞兄譏咸甯

中得疾就醫於外而死於醫家家人迎喪而旛每繞樹不可解引
喪者顛仆稱譴言曰我壽未死但服藥太多傷我五臟耳今當復
活慎無葬也其父祝之曰若爾有命復生豈非骨肉所願今但欲
還家不爾葬也旛乃解及還其婦夢之曰吾當復生可急開棺婦
言之其母及家人又夢之即欲開棺而父不聽舍時尙少乃慨然
曰非常之事古則有之今靈異至此開棺之痛孰與不開而負死
者乃共開棺見死者以手刮棺指甲盡傷然氣息甚微存亡不分
飲哺將護累月猶不能語飲食所須託之以夢舉家營視頓廢生
業雖母妻不能無倦矣舍乃絕棄人事躬親侍養足不出戶者十
有三年而譴竟不起寡嫂樊氏因疾失明舍課勵家人盡心奉養
每日嘗省藥饌察問息耗必簪履束帶醫人疏方須髻蛇膽尋求

備至而無得含憂歎累時嘗晝日獨坐忽有一青衣童子持一青囊授含含開視乃蛇膽也童子逡巡出戶化爲青鳥飛去得膽藥成婢目卽愈由是知名旣登仕路澹靜自處不妄與人友惟與鄧攸深交或問江左羣士優劣答曰周伯仁之正鄧伯道之清卞望之之簡餘則吾不知也 代王翳槐之弟什翼健生而奇偉寬仁大度喜怒不形於色身長八尺隆準龍顏立髮委地臥則乳垂至席時爲質於趙翳槐疾病命諸大人立之翳槐卒諸大人梁蓋等以漸有大故內外未安什翼健在遠來未可必比其至恐有變亂謀更立君以鎮眾望而翳槐次弟屈剛猛多詐不如屈弟孤仁厚乃相與殺屈而立孤孤不可自詣鄴迎什翼健請身畱爲質趙王虎義而俱遣之十一月什翼健卽代王位於繁補註時北年十九改元

曰建國分國之半以與孤初代王猗盧既卒國多內難部落離散

事見八十九卷
愍帝建興四年

拓跋氏寢衰及什翼犍立雄勇有智略能修祖業

國人附之始置百官分掌眾務以代人燕鳳爲長史許謙爲郎中

令始制反逆殺人盜盜之法號令明白政事清簡無繫訊連逮之

煩百姓安之於是東自濊貊西及破落那

新唐書西域傳曰濊貊
者本拔汗那或曰濊汗

元魏時謂之破落那去長安八
千里居西魏城在具珠河之北

南距陰山北盡沙漠率皆歸服有

眾數十萬人十二月段遼自密雲山遣使求迎於趙既而中悔

復遣使求迎於燕趙王虎遣征東將軍麻秋帥眾三萬迎之敕秋

曰受降如受敵不可輕也以尙書左丞陽裕遼之故臣使爲秋司

馬燕王皝自帥諸軍迎遼密與燕謀覆趙軍皝遣慕容恪伏精

騎七千於密雲山大敗麻秋於三藏口

水經注安州東有武列水
其水三川派合西源曰西

藏水西南流而東藏水注之水出東溪西南流出谷與中藏水合
水導中溪南流出谷南注東藏水東藏水又南右入西藏水故目
其川曰三藏川魏收地形志曰皇興二年置安州
統密雲等郡隋廢郡爲密雲縣唐爲檀州治所 死者什六七秋
步走得免陽裕爲燕所執趙將軍范陽鮮于亮失馬步緣山不能
進因止端坐燕兵環之叱令起亮曰身是貴人義不爲小人所屈
汝曹能殺亟殺不能則去亮儀觀豐偉聲氣雄厲燕兵憚之不敢
殺以白骹骹以馬迎之與語大悅用爲左常侍以崔愷之女妻之
骹盡得段遼之眾待遼以上賓之禮以陽裕爲郎中令裕少孤兄
弟皆早亡單煢獨立人無識者惟叔父耽幼而奇之曰此兒非惟
吾門之標秀乃佐時之良器也至是歸骹骹甚器重之而裕性謙
恭清儉剛簡慈篤雖歷居朝端有若布衣士大夫有流亡羈絕者
莫不經營收葬存恤孤遺士無賢不肖皆傾身以待之是以所在

推仰范陽盧諶每稱之曰吾及晉之清平歷觀朝士多矣忠清簡
毅篤信義烈如陽士倫者實亦未幾也趙王虎聞麻秋敗怒削其
官爵

元咸康五年

趙王虎建武五年漢李壽漢興二年代什翼健建國二年

春正月辛丑大赦

三

月乙丑廣州刺史鄧岳將兵擊漢甯州漢建甯太守孟彥執其刺
史霍彪以降 征西將軍庾亮欲開復中原表桓宣爲都督河北

前鋒諸軍事司州刺史鎮襄陽又表其弟臨川太守惲爲監梁雍
二州諸軍事梁州刺史鎮魏興西陽太守翼爲南蠻校尉領南郡
太守鎮江陵皆假節又請解豫州以授征虜將軍毛寶詔以寶監
揚州之江西諸軍事豫州刺史與西陽太守樊峻帥精兵萬人戍

邾城

邾城在江北漢江夏郡邾縣之故城也楚宣王滅邾徙其君於此因以爲名今黃州城是也西陽縣漢屬江夏郡魏分屬

弋陽郡晉惠帝分弋陽爲西陽國江左廢國爲郡以建威將軍陶稱爲南中郎將江夏相

入河中稱將二百人下見亮亮素惡稱輕狡數稱前後罪惡收而

斬之後以魏興險遠命庾懌徙屯半洲半洲在江州界康帝時諸夏爲江州刺史領半洲

更以武昌太守陳騫爲梁州刺史趣漢中遣參軍李松攻漢巴郡

江陽夏四月執漢荊州刺史李閔巴郡太守黃植送建康漢主壽

以李弈爲鎮東將軍代閔守巴郡夷亮上疏言蜀甚弱而胡尙強

欲帥大眾十萬移頓石城遣諸軍羅布江河爲伐趙之規帝下其

議丞相導請許之太尉鑒議以爲費用未備不可大舉太常蔡謨

議以爲時有否泰道有屈伸苟不計彊弱而輕動則亡不終日何

功之有爲今之計莫若養威以俟時時之可否繫胡之彊弱胡之

彊弱繫石虎之能否自石勒舉事虎常爲爪牙百戰百勝遂定中

原所據之地同於魏世勒死之後虎挾嗣君誅將相內雖既平剪

削外寇一舉而拔金墉再戰而擒石生誅石聰如拾遺取郭權如

振槁咸和八年虎殺石聰又拔金墉進四境之內不失尺土以是

觀之虎爲能乎將不能也假令不能者爲之其將濟乎將不濟也

論者以胡前攻襄陽不能拔謂之無能爲肅宗攻襄陽不克謂咸

襄陽不能克夫百戰百勝之彊而以不拔一城爲劣譬如射者百發百

中而一失可以謂之拙乎且石遇偏師也桓平北邊將也桓宣爲平北將

軍所爭者疆場之事利則進否則退非所急也今征西以重鎮名

賢自將大軍欲席卷河南虎必自帥一國之眾來決勝負豈得以

襄陽爲比哉今征西欲與之戰何如石生若欲城守何如金墉欲

阻沔水何如大江欲拒石虎何如蘇峻凡此數者宜詳校之石生

猛將關中精兵征西之戰不能勝也金墉險固劉曜十萬所不能

拔征西之守不能勝也又當是時兗州洛陽關中皆舉兵擊虎今

此三鎮反爲其用

補註石恢鎮兗州石朗鎮洛陽石生鎮關中皆爲虎所殺

方之於前倍半之

勢也石生不能敵其半而征西欲當其倍愚所疑也蘇峻之彊不

及石虎沔水之險不及大江大江不能禦蘇峻而欲以沔水禦石

虎又所疑也昔祖士稚在譙佃於城北界廬胡來攻致豫置軍屯

以禦其外穀將熟胡果至丁夫戰於外老弱穫於內多持炬火急

則燒穀而走如此數年竟不得其利當是時胡惟據河北方之於

今四分之一耳士稚不能捍其一而征西欲以禦其四又所疑也

然此但論征西既至之後耳尚未論道路之慮也自沔以西水急

岸高魚貫泝流首尾百里若胡無朱襄之義

左傳宋襄公及楚人戰於泓宋人既成列

楚人未既濟司馬子魚請擊之公曰不可既濟而未成列又以告公曰未可既陳而後擊之宋師敗績國人皆咎公公曰古之爲軍也不以習爲固也寡人雖亡國之餘不敢不戒及我未陳而擊之將若之何令王土與湖水陸異勢使習不同胡若送死則敵之有餘若棄江遠進以我所短擊彼所長懼非廟勝之筭朝議多與謨同乃詔亮不聽移鎮

燕前軍師將軍慕容評廣威將軍慕容軍折衝將軍慕容興根輕車將軍慕容興泥襲趙遼西俘獲千餘家而去趙鎮遠將軍石成積弩將軍呼延晃建威將軍張支等追之評等與戰斬晃支首段遼

謀反於燕燕人殺遼及其黨與數十人送遼首於趙五月代王

什翼犍會諸大人於參合陂

參合縣前漢屬代郡後漢晉省東漢天平二年置梁城郡參合縣屬焉水

經註參合陂在縣西北俗謂之倉陂陂

議都溫源川築城郭起宮室其母王氏曰吾

自先世以來以遷徙爲業今國家多難若城郭而居一旦寇來卒

難遷動乃止代人謂他國之民來附者皆爲烏桓什翼犍分之爲
二部各置大人以監之弟孤監其北子寔君監其南什翼犍求昏
於燕燕王魼以其妹妻之 秋七月趙王虎以太子宣爲大單于
建天子旌旗 庚申始興文獻公王導薨導字茂宏光祿大夫覽
之孫也年十四陳留高士張公見而奇之謂其從兄敦曰此兒容
貌志氣將相之器也及長與元帝爲布衣交帝之徙鎮建業皆其
謀也於是尤見委仗情好日隆號爲仲父帝嘗從容謂導曰卿吾
之蕭何也導性簡素寡欲善因事就功雖無日用之益而歲計有
餘蘇峻之平也帑藏空竭庫中惟有練數千端鬻之不售導乃與
朝賢俱制練布單衣於是士人翕然競服之練遂踊貴乃令主者
出賣端至一金國用少給然性頗慚內以夫人曹氏性妬乃密營

別館以處眾妾兒女遂成行後元會日夫人於青疎簾中望見兩
三兒騎羊皆端正可念夫人遙見甚憐愛之語婢汝出問是誰家
兒給使不達旨乃答云是第四五等諸郎曹氏聞驚愕大恚命車
駕將黃門及婢二十人持食刀自出尋討導亦遽命駕飛轡出門
猶患牛遲乃以左手攀車欄右手捉塵尾以柄助御者打牛狼狽
奔馳劣得先至蔡謨聞而笑之乃故詣導謂曰朝廷欲加公九錫
公知否導謂信然自敘謙志謨曰不聞餘物唯聞有短轅轅車長
柄塵尾導大慚怒謂人曰吾昔與安期千里共游洛水邊何處聞
有蔡克兒也明帝常函詔與庾亮信誤致於導導問詔末云勿使
冶城公知時導居冶城故云導既視表答曰伏讀明詔似不在臣
臣聞臣聞無有見者明帝甚愧數月不敢見導自漢魏以來羣臣

不拜山陵導以元帝睭同布衣匪惟君臣而已每一崇進皆就拜
不勝哀感由是詔百官拜陵自導始也導輔相三世而倉無儲粟
衣不重帛及薨喪葬之禮視漢博陸侯及安平獻王故事參用天
子之禮初導與庾亮共薦丹陽尹何充於帝曰何充器局方槩有
萬夫之望必能繼錄朝端爲老臣之副臣死之日願引充內侍則
社稷無虞矣由是加吏部尙書及導薨徵庾亮爲丞相揚州刺史
錄尙書事亮固辭辛酉以充爲護軍將軍亮弟會稽內史冰爲中
書監揚州刺史遂參錄尙書事冰旣當重任經綸時務不舍晝夜
賓禮朝賢升擢後進由是朝野翕然稱之以爲賢相初王導輔政
每從寬恕冰頗任威刑丹陽尹殷融諫之冰曰前相之賢猶不堪
其宏況如吾者哉范汪謂冰曰頃天文錯度足下宜盡消禦之道

冰曰元象豈我所測正當勤盡人事耳又隱實戶口料出無名萬

餘人以充軍實冰好爲糾察近於繁細後益矯違

謂矯前之繁細而流於寬縱愈

達於正道也

復存寬縱疏密自由律令無用矣

八月壬午復改丞相

爲司徒

南昌文成公邨鑒疾篤以府事付長史劉遐

此又一上

疏乞骸骨且曰臣所統錯雜率多北人或逼遷徙或是新附百姓

懷土皆有歸本之心臣宣國恩示以好惡處與田宅漸得少安聞

臣疾篤眾情駭動若當北渡必啟寇心

蓋時議欲徙京口之鎮渡江而北故鑒云然

太

常臣謨平簡貞正素望所歸謂可以爲都督徐州刺史詔以蔡謨

爲太尉軍司加侍中辛酉鑒薨卽以謨爲征北將軍都督徐兗青

三州諸軍事徐州刺史假節鑒字道徽高平金鄉人少孤貧博覽

經籍躬耕隴畝吟詠不倦趙王倫辟爲掾知倫有不臣之心稱疾

去職東海王越辟爲主簿舉賢才不行征東大將軍荀晞檄爲從
事中郎鑒亦不應及京師不守盜賊蜂起鑒遂陷於陳午賊中邑
人張寔先求交于鑒鑒不許至是寔於午營來省鑒疾旣而卿鑒
鑒謂寔曰相與邦壤義不及通何可怙亂至此邪寔大慚而退午
以鑒有名於世將逼爲主鑒逃歸鄉里甚窮餒鄉人以鑒名德傳
其飴之時兒子適外甥周顗竝小常攜之就食鄉人曰各自饑困
以君賢者欲相共濟耳恐不能兼有所有存鑒於是獨往食說以飯
者兩煩邊還吐於二兒後竝得存同過江適位至護軍翼爲剡縣
令鑒之薨也翼追撫養之恩解職而歸席苦心喪三年 左衛將
軍陳光請伐趙詔遣光攻壽陽 壽陽卽壽春晉避州文惠太后諱改曰壽陽自祖約之敗爲趙所據
蔡謨上疏曰壽陽城小而固自壽陽至琅邪城壁相望 此琅邪山古琅邪郡

趙既取譙郡彭城下邳又得壽春故自壽春至項郢城壁相望南
項郢在江乘之蒗洲上渡江而西歷歷合肥至壽春皆晉境趙
未能置一城兒攻郢城必救又王師在路五十餘日前驅未至聲

息久聞賊之郵驛一日千里河北之騎足以來赴非惟鄰城相救

而已夫以白起韓信項籍之勇猶發梁焚舟背水而陳

戰國策白起曰楚王

恃其國大城池不修又無守備故起得以引兵深入多倍城邑發
果焚舟以專民當是之時秦中士卒以軍中爲家將爲父母不約
而親不謀而信一心同功死不旋踵楚人自賊其地咸顧其家各
有散心莫有鬪志是以能有功也項羽焚舟卽泄船以表鉅事
也見入十卷秦二世三年韓信背水事見九卷漢高帝三年今欲停船水渚引兵造城前對堅

敵顧臨歸路此兵法之所誠也若進攻未拔胡騎卒至懼桓子不

知所爲而舟中之指可掬也

左傳晉中行桓子帥師與楚戰於郢楚人車馳卒奔乘晉師桓子不知所

爲鼓於軍中曰先濟者有賞中軍與下軍爭舟舟中之指可掬也

今光所將皆殿中精兵宜令所

向有征無戰而頓之堅城之下以國之爪士擊寇之下邑得之則

利薄而不足損敵失之則害重而足以益寇懼非策之長者也乃止時趙王虎於青州造船數百掠緣海諸縣所在殺戮朝廷以爲憂謨遣龍驤將軍徐元等守中洲并設募若得賊大白船者賞布千匹小船百匹是時謨所統七千餘人所戍東至土山西至江乘鎮守八所城壘凡十一處烽火樓望三千餘處隨宜防備甚有尊略先是郗鑒上部下有勲勞者凡一百八十人帝竝酬其功未卒酬而鑒薨斷不復與謨上疏以爲先已許鑒今不宜斷且鑒所上者皆積年勲勞百戰之餘不可不報詔聽之 初陶侃在武昌議者以江北有邾城宜分兵戍之侃每不答而言者不已侃乃渡水獵引將佐語之曰我所以設險而禦寇者正以長江耳邾城隔在江北內無所倚外接羣夷夷中利深晉人貪利夷不堪命必引虜

入寇此乃致禍之由非以禦寇也且吳時成此城用三萬兵今縱有兵守亦無益於江南若羯虜有可乘之會此又非所資也及庾亮鎮武昌卒使毛寶樊峻戍邾城趙王虎惡之以夔安爲大都督帥石鑒石閔李農張貉李萇等五將軍兵五萬人寇荆揚北鄙二萬騎攻邾城毛寶求救於庾亮亮以城固不時遣兵九月石閔敗晉兵於沔陰水南爲沔即沔南也殺將軍蔡懷夔安李農陷沔南虎又遣朱係敗晉兵於白石殺鄭豹等五將軍水經注湘水導源巢湖東逕南譙僑郡城南又東左會清溪水又東左會白石山張貉陷邾城死者六千人毛寶樊峻突圍出走赴江溺死爾雅初寶在武昌有一軍人於市買得一白龜長四五尺放諸江中邾城之敗放龜人被鎧持刀自投水中如覺墮一石上視之乃先所放白龜也送其人至東岸時同赴江者共五六千人惟此人得免續漢志汝南汝陰縣西北有湖城春秋胡子之國也夔安進據胡亭有湖城春秋胡子之國也寇江夏義陽將軍黃沖義陽太守鄭

進皆降於趙安進圍石城

賢曰石城故城在今復州沔陽縣東南水經注河水還石城西城因山爲固晉

惠帝元康九年分江夏西部置竟陵郡治此

竟陵太守李陽拒戰破之斬首五千餘級

安乃退遂掠漢東擁七千餘戶遷於幽冀是時庾亮猶上疏欲遷

鎮石城聞邾城陷乃止上表陳謝自貶三等行安西將軍有詔復

位以輔國將軍庾懌爲豫州刺史監宣城廬江歷陽安豐四郡諸

軍事假節鎮蕪湖趙王虎患貴戚豪恣乃擢殿中御史李巨爲

御史中丞特加親任中外肅然虎曰朕聞良臣如猛虎高步曠野

而豺狼避路信哉虎以撫軍將軍李農爲使持節監遼西北平諸

軍事征東將軍營州牧鎮令支

令音鈴支音其

農帥眾三萬與征北大將

軍張舉攻燕凡城燕王魮以楹盧城大悅綰爲禦難將軍

水經注曰淪水

帝流東廐與一水會世名之曰楹倫水

授兵一千使守凡城及趙兵至將吏皆恐欲

棄城走綰曰受命禦寇死生以之且憑城堅守一可敵百敢有妄
言惑眾者斬眾然後定綰身先士卒親冒矢石舉等攻之經旬不
能克乃退虎以遼西迫近燕境數遭攻襲乃悉徙其民於冀州之
南 漢主壽疾病羅恆解思明復議奉晉壽不從李演復上書言

之壽怒殺演壽常慕漢武魏明之為人恥聞父兄時事上書者不

得言先世政教自以爲勝之也舍人杜襲

存疑杜襲十六國春秋載記俱作襲壯作

詩十篇託言應璩以諷諫

應璩魏人

壽報曰省詩知意若今人所

作乃賢哲之話言若古人所作則死鬼之常辭耳 燕王就自以

稱王未受晉命冬遣長史劉翔參軍鞠運來獻捷論功且言權假

之意并請刻期大舉其平中原孰擊高句麗兵及新城

新城高句麗之西

西南倚山東北接南蘇木底等城

高句麗王釗乞盟乃還又使其子恪霸擊宇文

張駿立辟雍明堂以行禮十一月以

世子重華行涼州事 十二月丁丑趙太保桃豹卒 丙戌以驃

騎將軍琅邪王岳爲侍中司徒 漢李奔寇巴東守將勞楊敗死

庚咸康六年趙石虎建武六年漢李壽漢春正月庚子朔都亭文

康侯庾亮薨亮字元規美姿容善談笑風格峻整勳由禮節閭門

之內不肅而成時人以爲夏侯太初陳長文之倫也年十六隨父

在會稽嵚然自守時人皆憚其方嚴莫敢造之元帝爲鎮東時聞

其名辟爲西曹掾及引見風情都雅過於所望時王敦在蘇湖元

帝使亮詣敦籌事敦與亮談論不覺改席而前退而歎曰庾元規

賢於裴頠遠矣及其薨也將葬何充會之歎曰埋玉樹於土中使

人情何能己己初亮所乘馬有的盧殷浩以爲不利於主勸亮賣

之亮曰曷有己之不安而移之於人哉浩慙而退亮在武昌諸佐吏殷浩之徒乘秋夜共往登南樓理詠音調始適聞函道中鼓聲甚厲乃是亮率左右十許人步來諸人將起避之亮徐曰諸君少住老子於此處興復不淺便據胡牀與諸人談詠竟坐其坦率行己皆此類也長子彬年數歲雅量過人溫嶠嘗隱暗怛之彬神色恬如也乃徐跪謂嶠曰君侯何以爲此論者謂不減於亮蘇峻之亂遇害以護軍將軍錄尚書何充爲中書令庾戌以南郡太守庾翼爲都督江荆司雍梁益六州諸軍事安西將軍荊州刺史假節代庾亮鎮武昌時人疑翼年少不能繼其兄翼悉心爲治戎政嚴明數年之間公私充實人皆稱其才隱士郭翻嘗乘小舟從臨川歸武昌省翼翼躬往候之以其船小欲引就大船翻曰使君不

以鄙賤而辱臨之則此固野人之舟也翼遂俯屈入其舟終日而去人更多翼之度 辛亥以左光祿大夫陸玩爲侍中司空 字

文逸豆歸忌慕容翰才名翰乃陽狂酣飲或臥自便利

便溺也利下泄也

或被髮歌呼拜跪乞食宇文舉國賤之不復省錄以故得往來自遂山川形便皆默記之燕王皝以翰初非叛亂以猜嫌出奔雖在他國常潛爲燕計乃遣商人王車通市於宇文部以窺翰翰見車無言撫膺領之而已車還以白皝曰翰欲來也復使車迎之翰彎弓三石餘矢尤長大皝爲之造可平弓矢

可手便手也言惟翰手可用耳

使車埋

於道旁而密告之二月翰竊逸豆歸名馬攔其二子過取弓矢逃歸逸豆歸使驍騎百餘追之翰遙謂追者曰吾久客思歸既得上馬無復還理吾鄉日陽恩以誑汝吾之故藝猶在無爲相逼自取

死也追騎輕之直突而前翰曰吾居汝國久恨恨

李陵詩恨恨不能附呂

向註曰恨恨相戀之情

不欲殺汝汝去我百步立汝刀吾射之一發中者汝

可還不中者可來前也追騎解刀立之一發正中其環

孔穎達曰連劍者

左首首劍指環也少儀曰澤劍首鄭云澤弄也推尋劍刃利不容可弄正是劍環也又云刀卻刃授穎卿云穎環也環與環同

騎散走號聞翰至大喜恩遇甚厚

庚辰有星孛於太微

晉書天文志曰

太微天子庭也五帝坐也十二諸侯府也

三月丁卯大赦

漢人攻拔丹川守將孟

彥劉齊李秋皆死

五年孟彥以建甯降丹川當在建甯界

代王什翼健始都雲中

之盛樂宮

趙王虎遺漢主壽書欲與之連兵入寇約中分江南

壽大喜遣散騎常侍王嘏中常侍王廣使於趙翼壯諫不聽壽大

修舟艦繕兵聚糧秋九月以尚書令馬當爲六軍都督徵集士卒

七萬餘人爲舟師大閱於成都鼓譟盈江壽登城觀之有吞噬江

成帝咸康六年

南之志解思明諫曰我國小兵弱吳會險遠圖之未易壽乃命羣臣大議利害龔壯曰陛下與胡通孰若與晉通胡豺狼也既滅晉不得不北面事之若與之爭天下則疆弱不敵危亡之勢也虞虢之事已然之戒願陛下熟慮之羣臣皆以壯言爲然壽乃止士卒咸稱萬歲龔壯以爲人之行莫大於忠孝既報父叔之仇又欲使壽事晉以明臣節壽不從乃詐稱耳聾手不制物辭歸以文籍自娛終身不復至成都 趙尙書令襲安卒 趙王虎命司冀青徐幽并雍七州之民五丁取三四丁取二合鄴城舊兵滿五十萬具船萬艘自河通海運穀千一百萬斛於樂安城

水經註濡水東南過遼西海陽縣又

運牧城南分爲二水北水謂之小濡水東運樂安亭北東南入海濡水東南流運樂安亭南東與新河故瀆合魏太祖征蹋頓所導也徙遼西北平漁陽萬餘戶於兗豫雍洛四州之地自幽州以東

至白狼

白狼縣漢屬北平郡晉省水經注白狼水出白狼縣東南北遼白狼山又東北逕昌黎縣故城又北逕黃龍城東

又東北出東流爲二水石水即滄水地理志曰滄水自塞南入海一水東北出塞爲白狼水又東南流至房縣注於遼大興

屯田悉括取民馬有敢私匿者腰斬凡得四萬餘匹大閱於宛陽

欲以擊燕燕王皝謂諸將曰石虎自以樂安城防守重複薊城南

北必不設備今若詭路出其不意可盡破也冬十月皝帥諸軍入

自蠡螭塞

自龍城取西道入蠡螭塞

襲趙成將當道者皆禽之直抵薊城趙幽

州刺史石光擁兵數萬閉城不敢出燕兵進破武遂津

武遂縣前漢屬河間

國後漢晉屬安平國時屬武邑郡易水過其南曰武遂津

入高陽所至焚燒積聚略三萬餘家

而去石光坐懦弱徵還趙王虎以秦公韶爲太尉與太子宣迭

日省可尙書奏事專決賞刑不復啟白司徒申鍾諫曰賞刑者人

君之大柄不可以假人所以防微杜漸消逆亂於未然也太子職

在視膳不當豫政庶人遂以豫政致敗覆軍未遠也且二政分權

鮮不階禍愛之不以道適所以害之也虎不聽中謁者令申扁

中謁者令官也以慧悟辯給有寵於虎宣亦昵之使典機密虎既不省事

而宣韜皆好酣飲畋獵由是除拜生殺皆決於扁自九卿已下率

皆望塵而拜太子詹事孫珍病目求方於侍中崔約約戲之曰溺

中則愈珍曰目何可溺約曰卿目眊眊眊音眊目深貌正耐溺中珍恨之

以白宣宣於兄弟中最胡狀目深聞之怒誅約父子於是公卿以

下畏珍側目燕公斌督邊州亦諫畋獵常懸管而入管者城門之管鑰也欲使

於中故征北將軍張賀度每裁諫之斌怒辱賀度虎聞之使主書

禮儀持節監之自東漢以來尚書諸曹各有主書蓋吏職也斌殺

儀又欲殺賀度賀度嚴衛馳白之虎遣尚書張離帥騎追斌鞭之

三百免官歸第誅其親信十餘人 張駿遣別駕馬詵入貢於趙
表辭蹇傲虎怒欲斬詵侍中石璞諫曰今國家所當先除者遺晉
也河西僻陋不足爲意今斬馬詵必征張駿則兵力分而爲二建
業復延數年之命矣且勝之不爲武不克爲四夷所笑不如因而
厚之若彼改圖謝罪率其臣職則我又何求迷而不悟討之未晚
也乃止璞苞之曾孫也 石苞事晉文帝
武帝功參佐命 初漢將李閔爲晉所獲
逃奔於趙漢主壽致書於趙王虎以請之署曰趙王石君虎不悅
付外議之中書監王波曰今李閔以死自誓曰苟得歸骨於蜀當
糾帥宗族混同王化若其信也則不煩一旅坐定梁益若有前卻
一前一卻猶今人
言心懷進退也 不過失一亡命之人於趙何損李壽既僭大號
今以制詔與之彼必酬返取謂戎裔不若復爲書與之會挹婁國

獻楷矢石弩於趙

挹婁古肅慎氏之國也楷矢長尺有咫其國東北有山出石其利入鐵取以爲弩杜佑曰挹婁

國在不咸山北夫餘東北千餘里濱大海南與北沃沮接不知其北所產廣袤數千里人眾雖少而多勇力處山險善射弓長四尺力如弩矢用楷長尺八寸青石爲鏃所謂石弩也其取石也必先祈神楷木名似弩弩矢鏃也○楷音戶弩音弩波因請

以遺漢曰使其知我能服遠方也虎從之遣李閔歸厚爲之禮閔

至成都壽下詔曰羯使來庭貢其楷矢

羯音結

虎聞之怒黜王波以

白衣領職

前著作郎陳郡王隱上晉書隱世寒素父銓歷陽令

少好學有著述之志每私錄晉事及功臣行狀未就而卒隱以儒

素自守不交勢援博學多聞受父遺業西都舊事多所諳究建興

中過江與丞相軍諮祭酒祖納雅相知重納好博弈每諫止之納

曰聊用忘憂耳隱曰蓋聞古人遭時則以功達其道不遇則以言

達其道故否泰不窮也當今晉未有書天下大亂舊事蕩滅非凡

才所能立君少長皇都游宦四方華夷成敗皆在耳目何不述而
裁之應仲遠作風俗通崔子真作政論蔡伯喈作勸學篇史游作
急就章猶行於世便爲沒而不朽當其同時人豈少哉而了無聞
皆由無所述作也故君子疾沒世而無聞易稱白強不息況國史
明乎得失之迹何必博奕而後忘憂哉納喟然歎曰非不悅子之
道力不足也乃上疏薦隱才堪史官太興初召隱及郭璞俱爲著
作郎令撰晉史豫平王敦功賜爵平陵鄉侯時著作郎虞預私撰
晉書而生長東南不知中朝事數訪於隱并借隱所著書竊寫之
所聞漸廣自後更疾隱形於言色預既豪族交結權貴共爲朋黨
以斥隱隱竟以謗免歸家貧無資用書不能就乃依征西將軍庾
亮於武昌亮供其紙筆書乃得成至是詣闕上之

卷一百一十五 成帝咸康六年七年

咸康七年趙石虎建武七年漢李壽漢興四年代什翼健建國四年春正月燕王皝使唐國

內史陽裕等築城於柳城之北龍山之西立宗廟宮闕命曰龍城

由是改柳城爲龍城二月甲子朔日有食之劉翔至建康帝引見問

慕容鎮軍平安對曰臣受遣之日朝服拜章翔爲燕王號求大將

軍燕王章璽朝議以爲故事大將軍不處邊自漢魏以來不封異

姓爲王所求不可許翔曰自劉石構亂長江以北窮爲戎藪未聞

中華公卿之胃有一人能攘臂揮戈摧破凶逆者也獨慕容鎮軍

父子竭力心存本朝以寡擊眾屢殄疆敵使石虎畏懼悉徙邊陲

之民散居三魏謂遼西之民也魏郡陽平廣平爲三縣建國千里以薊城爲北境功

烈如此而惜海北之地不以爲封邑何哉昔漢高祖不愛王爵於

韓彭故能成其帝業項羽刑印不忍授卒用危亡吾之至心非苟

欲尊其所事竊惜聖朝疏忠義之國使四海無所勸慕耳尙書諸葛恢翔之姊夫也獨主異議以爲夷狄相攻中國之利惟器與名不可輕許乃謂翔曰借使慕容鎮軍能除石虎乃是復得一石虎也明廷何賴焉翔曰嫠婦猶知恤宗周之隕今晉室阽危君位俸元凱曾無憂國之心邪嚮使靡鬲之功不立則少康何以祀夏桓文之戰不捷則周人皆爲左衽矣左傳夏之方衰也后羿因夏民以代夏政其臣寒浞殺羿而滅夏后羿后緒逃歸有仍生少康焉廢奔有鬲且自有鬲收聚以滅浞而立少康祀夏配天不失舊物齊桓公北伐山戎而伐楚晉文公勝楚於城濮皆慕容鎮軍枕戈待旦志殄兇逆而君更唱邪惑率諸侯以尊周室慕容鎮軍枕戈待旦志殄兇逆而君更唱邪惑之警忌閒忠臣四海所以未壹良由君聾耳翔謂建康歲餘眾議終不決翔乃說中常侍或宏或都通姓也曰石虎苞八州之地帶甲百萬志吞江漢自索頭宇文暨諸小國無不臣服惟慕容鎮軍翼戴

天子精貫白日而更不獲殊禮之命竊恐天下移心解體無復南

向者矣公孫淵無尺寸之益於吳吳主封爲燕王加以九錫

事見七十

二卷魏下今慕容鎮軍屢摧賊鋒威鎮秦隴虎比遣重使甘言厚

幣欲授以曜威大將軍遼西王慕容鎮軍惡其非正卻而不受今

朝廷乃矜惜虛名沮抑忠順豈社稷之長計乎後雖悔之恐無及

已宏爲之入言於帝帝意亦欲許之會就上表稱庾氏兄弟擅權

召亂宜加斥退以安社稷又與庾冰書責其當國秉權不能爲國

雪恥冰甚懼以其絕遠非所能制乃與何充奏從其請乙卯以慕容

容就爲使持節大將軍都督河北諸軍事幽州牧大單于燕王備

物典策

備物者車馬旅車弓矢鉞鉞之類典者常法也策者簡書也

皆從殊禮又以其世子儁

爲假節安北將軍東夷校尉左賢王賜軍資器械以千萬計又封

諸功臣百餘人以劉翔爲代郡太守封臨泉鄉侯加員外散騎常侍翔固辭不受翔疾江南士大夫以驕奢酣縱相尙嘗因朝貴宴集謂何充等曰四海板蕩奄踰三紀宗社爲墟黎民塗炭斯乃廟堂焦慮之時忠臣畢命之秋也而諸君宴安江沱江水別爲沱肆情縱欲以奢靡爲榮以倣誕爲賢褻謬之言不聞征伐之功不立將何以尊主濟民乎充等甚慚詔遣兼大鴻臚郭悽持節詣棘城冊命燕王與翔等偕北公卿餞于江上翔謂諸公曰昔少康資一旅以滅有窮句踐馮會稽以報彊吳蔓草猶宜早除況寇讎乎今石虎李壽志相吞噬王師縱未能澄清北方且當從事巴蜀一旦石虎先人舉事併壽而有之據形便之地臨東南雖有智者不能善其後矣中護軍謝廣曰是吾心也三月戊戌皇后杜氏崩夏四

月丁卯葬恭皇后於興平陵 詔實王公以下至庶人皆正土斷

白籍

時王公庶人多自北來僑寓江左今皆以土著為斷著之白籍也白籍者戶口版籍也宋齊以下有黃籍

秋七

月郭悌劉翔等至燕燕王軌以翔為東夷護軍領大將軍長史以

唐國內史陽裕為左司馬典書令李洪為右司馬

晉制王國置典書典祠典儒學

官令各一人典書令天朝吏部尚書之職中尉鄭林為軍諮祭酒

八月辛酉東海哀

王冲薨

冲後東海王越事見八十七卷懷帝永嘉五年

九月代王什翼犍築盛樂城於

故城南八里

代王妃慕容氏卒妃聰敏多智沈厚善決斷初什

翼犍遣衛辰兄悉勿祈還部落妃戒之曰汝還必深防衛辰衛辰

姦猾其心險難與用事不早預防終當滅汝悉勿祈死其子果為

衛辰所殺

冬十月匈奴劉虎寇代西部代王什翼犍遣軍逆擊

大破之虎卒子務桓立遣使求和於代什翼犍以女妻之務桓又

細貢於趙以務桓爲平北將軍左賢王 趙橫海將軍王華帥

舟師自海道襲燕安平破之

此遼東郡之西安平也四年華以青州之眾成海島並得燕破之

燕王號以慕容恪爲渡遼將軍鎮平郭自慕容皝慕容仁之後諸將無能繼者及恪至平郭撫舊懷新屢破高句麗兵高句麗畏之不敢入境 十二月興平康伯陸玩薨玩字士瑤暉之弟也器量

淹雅弱冠有美名賀循每稱其清允平當王導初至江左思結人情請婚於玩玩對曰培塿無松柏燕猶不同器玩雖不才義不能爲亂倫之始又嘗詣導食酪因而得疾與導賤曰僕雖吳人幾爲伶鬼其輕易權貴如此及拜司空有人詣之索杯酒瀉置柱梁之間呪曰當今乏材以爾爲柱石莫傾人梁棟玩笑曰戢卿良箴玩翼亮累世常以宏重爲人主所貴加性通雅不以名位格物誘納

後進謙若布衣由是摺紳之徒莫不廢其德宇 漢主壽以其太子勢領大將軍錄尚書事初成主雄以儉約寬惠得蜀人心及李閔王撤還自鄴盛稱鄴中繁庶宮殿壯麗且言趙王虎以刑殺御下故能控制境內壽慕之徙旁郡民三丁以上者以實成都大脩宮室治器玩人有小過輒殺以立威左僕射蔡興右僕射李疑皆坐直諫死民疲於賦役吁嗟滿道思亂者眾矣 詔旌表東陽孝子許孜門閭蠲復子孫孜字季義孝友恭讓敏而好學年二十師事豫章太守會稽孔沖受詩書禮易及孝經論語學竟還鄉里沖在郡喪亡孜負擔奔赴送喪還會稽蔬食執役制服三年俄而二親沒柴毀骨立建墓於縣之東山躬自負土不受鄉人之助每一悲號鳥獸翔集植列松柏瓦五六里時有鹿犯其松栽孜悲歎曰

鹿獨不念我乎明日忽見鹿爲虎所殺置於所犯栽下孜悵惋不已乃作冢埋於陞側虎卽於孜前自撲而死孜益歎息又取埋之自後樹木滋茂而無犯者孜乃立宅墓次蒸蒸朝夕奉亡如存鷹雉棲其梁檐虎鹿攬其庭圃交頸同游不相捕噬元康中郡察孝廉不起巾褐終身年八十餘卒於家邑人號其居爲孝順里至是太守張虞上其事故旌之

資治通鑑補卷九十六終

資治通鑑補卷第九十七

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

晉紀十王

起咸康八年盡穆帝永和三年凡十六年

顯宗成皇帝下

晉咸康八年

通石虎建武八年漢李壽漢興五年代什顯建國五年

春正月己未朔日有食

之

考異曰天文志作乙未今從晉書及長歷

乙丑大赦

豫州刺史庾亮以酒餉江

州刺史王允之允之覺其毒飲犬犬斃密奏之帝曰大舅已亂天

下小舅復欲爾邪二月憚飲鴆而卒

三月初以武悼后配食武

帝廟

庾翼在武昌數有妖怪欲移鎮樂鄉征虜長史王述與庾

冰賤曰樂鄉去武昌千有餘里數萬之眾一旦移徙興立城壁公

私勞擾又江州當汭流數千里供給軍府力役增倍且武昌實江

東鎮戍之中非但扞禦上流而已緩急赴告駿奔不難

書武成曰駿奔走注

云駿大也言皆奔走也

若移樂鄉遠在西陲一朝江渚有虞不相接救方嶽

重將固當居要害之地為内外形勢使闕關之心不知所向昔秦

忌亡胡之讖卒為劉項之資周惡壓弧之謠而成褒姒之亂

國語曰宜

王之時有童謠曰樂孤其服實亡周幽宣王聞之有夫婦鬪是器

者使執而戮之府之小妾生子而非王子也懼而棄之此人也收

以奔褒褒人有獄而以女入于幽王王嬖是女而生伯服是以

為褒姒歟太子宜曰而立伯服卒以成申侯西戎之亂是以

達人君子直道而行禳避之道皆所不取正當擇人事之勝理思

社稷之長計耳朝議亦以為然翼乃止 夏五月甲戌有馬色赤

如血自宣陽門直走入殿門盤旋走出逐而追之莫知所在 己

卯帝不豫六月庚寅疾篤或詐爲尙書符敕宮門無得內宰相眾皆失色庾冰曰此必詐也推問果然帝二子不奔皆在襁褓庾冰自以兄弟秉權日久恐易世之後親屬愈疏爲他人所間每說帝以國有彊敵宜立長君請以母弟琅邪王岳爲嗣帝許之中書令何充曰父子相傳先王舊典易之者鮮不致亂故武王不授聖弟非不愛也今琅邪踐阼將如孺子何冰不聽下詔以岳爲嗣并以奔繼琅邪哀王壬辰冰充及武陵王晞會稽王昱尙書令諸葛恢竝受顧命癸巳帝崩^{年十二}帝幼冲嗣位不親庶政及長頗有勤儉之德嘗欲于後園作射堂計用四十金以勞費而止甲午琅邪王岳卽皇帝位大赦己亥封成帝子不爲琅邪王奔爲東海王帝亮陰不言委政于庾冰何充秋七月丙辰葬成帝于興平陵

成帝咸康八年

帝徒行送喪至閭闔門乃升素輿至陵所既葬帝臨軒庾冰何充
 侍坐帝曰朕嗣鴻業二君之力也充曰陛下龍飛臣冰之力也若
 如臣議不睹升平之世帝有慙色己未以充為驃騎將軍都督徐
 州揚州之晉陵諸軍事領徐州刺史鎮京口辟諸庾也 冬十月
 燕王皝遷都龍城慕容廆先居此河之青山後徙棘城今自棘城徙都龍城村佑曰營州柳城郡古之孤竹國也
 春秋為山戎肥子二國地慕容皝以柳城之北龍山之南慕容廆之地遂遷都龍城 赦其境內建威將軍翰
 言于皝曰宇文弼盛自久屢為國患今逸豆歸篡竊得國逸豆歸運乙得
歸見九十五羣情不附加之性識庸闇將帥非才國無防衛軍無
卷咸和八年部伍臣久在其國悉其地形雖遠附憑輻輳勢不接無益救援今
 若羣之百舉百克然高句麗去國密邇常有闕關之志彼知宇文
 既亡禍將及己必棄虛深入掩吾不備若少畱兵則不足以守多

留兵則不足以行此心腹之患也宜先除之觀其勢力一舉可克
宇文自守之虜必不能遠來爭利既取高句麗還取宇文如反手
耳二國既平利盡東海國富兵彊無反顧之憂然後中原可圖也
虢曰善將擊高句麗高句麗有二道其北道平闊南道險狹眾欲
從北道翰曰虜以常情料之必謂大軍從北道當重北而輕南王
宜帥銳兵從南道擊之出其不意九都不足取也高句麗王
居九都別遣
偏師從北道縱有蹉跌其腹心已潰四支無能爲也虢從之十一
月虢自將勁兵四萬出南道以慕容翰慕容霸爲前鋒別遣長史
王寓等將兵萬五千出北道以伐高句麗高句麗王釗果遣弟武
帥精兵五萬拒北道自帥羸兵以備南道慕容翰等先至與釗合
戰虢以大眾繼之左常侍鮮于亮曰臣以俘虜蒙王國士之恩不

可以不報今日臣死日也獨與數騎先犯高句麗陳所嚮摧陷高句麗陳動大眾因而棄之高句麗兵大敗左長史韓壽斬高句麗將阿佛和度加諸軍來勝追之遂入丸都釗單騎走輕車將軍慕輿堊追獲其母周氏及妻而還會王寓等戰於北道皆敗沒由是釗不復窮追遣使招釗釗不出釗將還韓壽曰高句麗之地不可戍守今其主亡民散潛伏山谷大軍既去必復鳩聚收其餘燼猶足爲患請載其父尸因其生母而歸俟其束身自歸然後返之撫以恩信策之上也釗從之發釗父乙弗利墓載其尸收其府庫棄世之寶虜男女五萬餘口燒其宮室毀丸都而還 十二月壬子立妃褚氏爲皇后徵豫章太守褚裒爲侍中尙書裒自以后父不願居中任事苦求外出乃除建威將軍江州刺史鎮牛洲 趙主

虎作臺觀四十餘所于鄴又營洛陽長安二宮作者四十餘萬人

又欲自鄴起閣道至襄國敕河南四州治南伐之備

河南四州洛陽徐兗也

并朔秦雍嚴西討之資青冀幽州為征東之計皆三五發卒

三丁發二

五丁發諸州軍造甲者五十餘萬人船夫十七萬人為水所沒虎

狼所食者三分居一加之公侯牧宰競營私利百姓失業愁困貝

邱人李宏貝邱縣自漢以來屬清河郡北齊併入清河縣因眾心之怨自言姓名應讖連

結黨與署置百寮事發誅之連坐者數千家虎畋獵無度晨出夜

歸又多微行躬察作役侍中京兆韋謏諫曰陛下忽天下之重輕

行斤斧之間猝有狂夫之變雖有智勇將安所施又興役無時廢

民耘穫吁嗟盈路殆非仁聖之所忍為也虎賜謏穀帛而興繕滋

繁游察自若秦公綽有寵于虎太子宣惡之右僕射張離領五兵

尙書

曹魏置五兵尙書沈約志五兵尙書領中兵外兵驍兵別兵都兵故謂之五兵

欲求媚於宣說之曰

今諸侯吏兵過限宜漸裁省以壯本根宣使離爲奏秦燕義陽樂

平四公

秦公賴燕公斌義陽公監樂平公苞

聽置吏一百九十七人帳下兵二百人

自是以下三分置一餘兵五萬悉配東宮于是諸公咸怨嫌益

深矣時州上言濟南平陵城北石虎一夕移于城東南

漢濟南郡有東平陵

縣晉省後復置爲平陵縣唐爲齊州全節縣

有狼狐千餘迹隨之迹皆成蹊虎喜曰石

虎者朕也自西北徙而東南者天意欲使朕平蕩江南也其敕諸

州兵明年悉集朕當親董六師以奉天命羣臣皆賀上皇德頌者

一百七人制征士五人出車一乘牛二頭米十五斛絹十匹調不

辦者斬民主鬻子以供軍須猶不能給自經于道樹者相望是時

趙地妖怪尤多上黨孟門上有神人之像坐于山上三日而去武

鄉遂雄虎變爲雌產一狼子卽噬虎殺之後三日狼子亦死石然
於泰山入日而滅東海有大石自立旁有血流鄴西山石間血流
長十餘步廣二尺餘 是歲餘不亭侯孔愉卒愉字敬康年十三
而孤養祖母以孝聞時同郡有張茂字偉康丁潭字世康號爲會
稽三康嘗避亂新安山中以稼穡讀書爲務信著鄉里後忽舍去
皆謂爲神人而爲之立祠及參元帝丞相軍事時年已五十矣以
討華軼功封侯後爲司徒長史以平南將軍溫嶠母死不歸葬乃
不過其家及平蘇峻之亂而嶠有重功愉乃往石頭詣嶠嶠執愉
手而流涕曰天下喪亂忠孝道廢能持古人之節歲寒不凋者惟
君一人耳丞相導委任趙盾將以爲護軍愉謂導曰中興以來處
此官者周伯仁應思遠耳今誠乏才豈宜以趙盾居之邪其守正

成帝咸康八年康帝建元元年

取

諱岳字世同咸安母弟也咸安元年封吳王二年徙封琅邪王諡法溫柔好樂曰康在位二年改元一

趙石虎建武九年漢李壽薨
興六年代百蠻趙建國六年
春二月高句麗王釗遣

其弟稱臣入朝於燕貢珍異以千數燕王號乃還其父尸猶留其

宇文逸豆歸遣其相莫淺渾將兵擊燕諸將爭欲擊之

翰出擊之莫淺渾大敗僅以身免盡俘其眾
庾翼爲人忼慨喜

公主明
帝女

姿貌甚偉面

有七星豪爽有風概與殷浩劉惔少相親昵數相與談不如二人
甚溫乃喚左右取黃皮袴褶上馬舞稍數迴或向殷或擬劉意氣
始得雄翼亦與之友善相期以甯濟海內翼嘗薦溫於成帝曰桓
溫有英雄之才願陛下勿以常壻蓄之宜委以方邵之任必有宏
濟艱難之勳時杜乂殷浩竝才名冠世翼獨弗之重也曰此輩宜
束之高閣俟天下太平然後徐議其任耳浩累辭徵辟屏居墓所
幾將十年時人擬之管葛江夏相謝尚長山令王濛

漢獻帝初平二年分烏傷

立長山縣屬會稽郡吳分屬東陽郡隋改長山爲金華縣今屬婺州常伺其出處以卜江左興亡嘗

相與省之知浩有確然之志既返相謂曰深源不起當如蒼生何
尚鯁之子也翼請浩爲司馬詔除侍中安西軍司浩不應翼遣浩
書曰王夷甫立名非真雖云談道實長華競明德君子遇會處際

甯可然乎浩猶不起其父義爲長沙相在郡貪殘庾冰與翼書屬之翼報曰殷君驕豪亦似由有佳兄弟故小令物情容之

存疑容字考之

晉史皆是難字然下文云亦不稍以此寥蕭之又云豈以小小計之是容之意想溫公改難爲容必有所本故不敢改

百

頃以來奉公更退私累曰滋亦不稍以此寥蕭之也既雅敬洪遠又與浩親善其父兄得失豈以小小計之大較江東之政以儷儷豪強常爲民蠹時有行法輒施之寒劣如往年儷石頭倉米一百萬斛皆是豪將輩而直打殺倉督監以塞責山遐爲餘姚長半年而爲官出豪彊所藏二千戶政雖不倫公強官長也而眾其驅之令遐不得安席雖皆前宰之悞謬江東事去實此之由也兄弟不幸橫陷此中自不能拔足于風塵之外當其明目而治之荊州所統二十餘郡惟長沙最惡惡而不黜與殺督監復何異邪遐簡之

子也翼以滅胡取蜀爲己任遣使東約燕王皝西約張駿刻期大
舉朝議多以爲難惟庾冰意與之同而桓溫譙王無忌皆贊成之
無忌亦之子也秋七月趙汝南太守戴開帥數千人詣翼降丁巳
下詔議經略中原翼欲悉所部之眾北伐表桓宣爲都督司雍梁

三州荊州之四郡諸軍事梁州刺史

荊州四郡南陽新野襄陽南鄉也

前撫丹水

丹水故城在今鄧州氏鄉縣西南臨丹水

桓溫爲前鋒都督假節帥眾入臨淮

考異曰帝紀溫

入臨淮下云庾翼爲征討大都督遷襄陽按翼傳翼先表移鎮安陸至夏口上表云九月十九日發武昌二十四日達夏口始請徙襄陽始加都督征討諸軍事故知不在此月並發所統六州奴及車牛驢馬百姓嗟

怨代王什翼犍復求婚於燕燕王皝使納馬千匹爲禮什翼犍

不與又貽慢無子增禮八月遣皝世子儁帥前軍師將軍評等擊

代考異曰後魏序紀八月慕容元真遣使請燕女無用兵事今從燕書

什翼犍帥眾避去燕人無所

見而還 漢主壽卒年四十四諡曰昭文廟號中宗太子勢卽位大赦

勢字子仁壽之長子也身長七尺九寸腰帶十四圍善于俯仰時

人異之 趙太子宜擊鮮卑斛敷提大破之斬首三萬級 宇文

逸豆歸執段遼弟蘭送於趙并獻駿馬萬匹趙王虎命蘭帥所從

鮮卑五千人屯令支 庾翼欲移鎮襄陽恐朝廷不許乃奏云移

鎮安陸

安陸縣自漢以來屬江夏郡唐爲安州治所

帝及朝士皆遣使譬止翼翼遂違

詔北行至夏口復上表請鎮襄陽翼時有眾四萬詔加翼都督征

討諸軍事師次襄陽大會遼佐陳旌甲親授弧矢曰我之行也若

此射矣遂三起三疊徒眾屬目其氣十倍先是車騎將軍揚州刺

史庾冰屢求出外辛巳以冰都督荆江甯益梁交廣七州豫州之

四郡諸軍事

豫州四郡宣城歷陽是江安豐也

領江州刺史假節鎮武昌以爲翼

繼援徵徐州刺史何充爲都督揚豫徐州之琅邪諸軍事領揚州刺史錄尚書事輔政以琅邪內史桓溫爲都督青徐兗三州諸軍事徐州刺史褚裒爲衛將軍領中書令 冬十一月己巳大赦

神建元二年

趙石虎建武十年漢李勢大和元年代什翼健建國七年

春正月趙王虎享羣臣

於太武殿有白雁百餘集馬道之南

馬道者築道可以馳馬往來

虎命射之皆

不獲時諸州兵集者百餘萬太史令趙攬密言于虎曰白雁集庭官室將空之象不宜南行虎信之乃臨宣武觀大閱而罷 三月

趙王虎遣使徵天水楊軻軻少好易長而不娶學業精微養徒數百食羸飲水衣褐縕袍人不堪其憂而軻悠然自得疏實異客音旨未嘗交也至是虎備元纁束帛安車徵之不應親駕往視亦高臥不起迫之乃發旣見不拜與語不言命舍于永昌乙第時有道

進者佛圖澄弟子也學通內外爲虎所重虎謂進曰楊軻者朕之民也而不恭王命一至於此朕雖不德君臨萬邦乘輿所向天沸地涌雖未能令木石屈膝何可容匹夫長傲邪進曰昔舜偃蒲衣禹造伯成魏式干木漢美莊光管甯不應曹氏皇甫不屈晉代二主四君其嘉其節豈可令趙史獨無隱跡之傳乎虎悅卽遣軻還其所止軻在永昌虎欲觀其真趣乃密令美女夜以動之軻蕭然不顧又盡遣其弟子而使魁壯羯士衣甲持刀臨之以兵并竊其所賜衣服軻視而不言了無懼色常臥土牀覆以布被下無茵褥潁川荀輔好奇之士也造而談經瞑目不答輔發被露其形大笑之軻神體頽然無驚怒之狀于是咸以爲焦先之徒未能量其淺深也 漢主勢改元太和尊母閭氏爲皇太后立妻李氏爲皇后

燕王皝與左司馬高詡謀伐宇文逸豆歸詡曰宇文弼盛今不

取必爲國患伐之必克然不利於將出而告人曰吾往必不返然

忠臣不避也於是皝自將伐逸豆歸以慕容翰爲前鋒將軍劉佩

副之分命慕容軍慕容恪慕容霸及折衝將軍慕容興根將兵三道

竝進高詡將發不見其妻使人語以家事而行逸豆歸遣南羅大

涉夜干將精兵逆戰

南羅城名大城大也

皝遣人馳謂慕容翰曰涉夜干勇

冠三軍宜小避之翰曰逸豆歸掃其國內精兵以屬涉夜干涉夜

干素有勇名一國所賴也今我克之其國不攻自潰矣且吾熟知

涉夜干之爲人雖有虛名實易與耳不宜避之以挫我兵氣遂進

戰翰自出衝陣涉夜干出應之慕容霸從旁邀擊遂斬涉夜干宇

文士卒見涉夜干死不戰而潰燕軍乘勝逐之遂克其都城逸豆

歸走死漠北宇文氏由是散亡黠悉收其畜產資貨徙其部眾五萬餘落於昌黎闕地千餘里更命涉夜干所居城曰威德城使弟彪戍之而還高詡劉佩皆中流矢卒詡善天文黠嘗謂曰卿有佳書而不見與何以爲忠謹詡曰臣聞人君執要人臣執職執要者逸執職者勞是以后稷播種堯不與焉占候天文晨夜甚苦非至尊之所宜親殿下將焉用之黠默然初逸豆歸事趙苾謹貢獻驪路及燕人伐逸豆歸趙王虎使右將軍白勝并州刺史王霸自甘松出救之

甘松在濡源之東突門嶺之西

比至宇文氏已亡因攻威德城不克而還慕容彪追擊破之慕容翰之與宇文氏戰也爲流矢所中臥病積時不出後漸差於其家試騁馬或告翰稱病而私習騎乘疑欲爲變燕王皝雖藉翰勇略然中心終忌之乃賜翰死翰曰吾負罪

出奔既而復還今日死已晚矣然羯賊踰據中原吾不自量欲為

國家蕩壹區夏此志不遂沒有遺恨命矣夫飲藥而卒

考異曰三國春秋

云永和二年九月殺翰燕書翰傳翰嘗臨陣為流矢所中病臥歲時不出入後漸差試馬按自討宇文後翰未嘗預戰自建元二年

正月至永和二年九月已逾年矣三十國春秋恐誤今從載記翰傳翰字元邕虜之庶長子也性雄

豪多權略猿臂善射膂力過人虜甚奇之委以折衝之任所在征

伐屢立戰功威聲大振遠近憚之尤善撫接親愛儒學自士大夫

至于卒伍莫不樂而從焉

代王什翼犍遣其大人長孫秩迎婦

於燕

夏四月涼州將張瓘敗趙將王耀于三交城

三交城在朔方之西宋白

曰三交土城在後州東北七十五里

初趙領軍王朗言於趙王虎曰盛冬雪寒而

皇太子使人伐宮材引於漳水役者數萬吁嗟滿道陛下宜因出

游罷之虎從之太子宣怒會焚惑守房

天文志房四星為明堂天子布政之宮也亦四輔也

下第一星上將也次次將也次又相也上星上相也熒惑守房心王者惡之熒惑天子理也故曰雖有明天子必謹視熒惑所在

宣使太史令趙攬言於虎曰房爲天王今熒惑守之其殃不細宜

以貴臣王姓者當之虎曰誰可者攬曰無貴於王領軍虎意惜朗

使攬更言其次攬無以對因曰其次惟中書監王波耳虎乃下詔

追罪波前議桎矢事

見上卷成帝咸康六年

腰斬之及其四子投尸漳水既

而愍其無罪追贈司空封其孫爲侯趙平北將軍尹農攻燕凡

城不克而還

漢太史令韓皓上言熒惑守心乃宗廟不脩之譴

以七曜所經周天三百六十五度四分度之一考之房六度太心

三度太五星入之久而不去謂之守時趙太史以爲熒惑守房漢

太史以爲熒惑守心是則躔度之難知也漢主勢命羣臣議之相國蕭何侍中王叔以

爲景武創業獻文承基至親不遠無宜疏絕乃更命祀成始祖太

宗皆謂之漢

征西將軍庾翼使梁州刺史桓宣擊擒將李熊於

丹水為熊所敗翼貶宣為建威將軍宣慚憤成疾秋八月庚辰卒

宣為人開濟篤素能得眾心而又明於大義故去就不苟翼以長

子方之為義成太守

沈約曰義成郡晉孝武立治襄陽五代志曰襄陽郡穀城縣晉曰義城置義城郡又按晉

書桓宣傳陶侃使宣領襄陽以其淮南郡曲立義成郡則此郡立干咸和中耶矣其當作成代領宣眾又以司

馬應誕為襄陽太守參軍司馬勳為梁州刺史成西城

西城縣時屬魏興郡

中書令褚裒固辭樞要閏月丁巳以裒為左將軍都督兗州徐

州之琅邪諸軍事兗州刺史鎮金城

金城在江乘之蒲州

帝疾篤庾冰庾

翼欲立會稽王昱為嗣中書監何充建議立皇子聃帝從之九月

丙申立聃為皇太子戊戌帝崩於式乾殿

年二十三

初帝之立也改元

建元或謂庾冰曰郭璞識曰立始之際邱山傾立者建也始者元

也邱山者上諱也此號不可用冰為之矍然既而歎曰如有吉凶

豈改易所能救乎至是果驗己亥何充以遺旨奉太子卽位大赦
由是冰翼深恨充尊皇后褚氏爲皇太后時帝方二歲太后臨朝
稱制何充加中書監錄尚書事充自陳旣錄尚書不宜復監中書
許之復加侍中充以左將軍褚袁太后之父宜綜朝政上疏薦袁
粲錄尚書乃以袁爲侍中衛將軍錄尚書事持節都督刺史如故
袁以近戚懼獲譏嫌上疏固請居藩改授都督徐兗青三州揚州
之二郡諸軍事衛將軍徐兗二州刺史鎮京口揚州之二郡
晉陵義興也尚書
奏袁見太后在公庭則如臣禮私覲則殿父從之初袁尙與褚袁
友善及太后臨朝喬與袁書曰皇太后踐登正祚臨御皇朝將軍
之於國外姓之太上皇也皇子近屬猶有卧讓之禮況策名人臣
而敢媒慢人主之父平素之交與禮數而降箕踞之懼隨時事而

替故友之好請於此辭但染絲之變墨翟致懷岐路之感楊朱興
歎願將軍怡情無事以理勝爲任親仗賢達以納善爲大嗚呼來
物無停變化遷代豈惟寸晷事亦有之執筆惆悵不能自盡論者
以爲得禮 冬十月乙丑葬康帝於崇平陵 江州刺史庾冰有
疾太后徵冰輔政冰辭十一月庚辰卒冰字季堅兄亮以名德流
訓冰以雅素坐風諸弟相率莫不好禮爲世論所重亮常以冰爲
庾氏之寶蘇峻之平冰勳爲多而自以難發由兄誓不受封雖恩
詔累申而辭之愈堅卒年四十九冰天性清慎常以儉約自居中
子襲當貸官絹十四匹冰怒捶之市絹還官臨卒謂長史江霑曰吾
將逝矣恨報國之志未展命也如何及卒無絹爲衾又室無妾媵
家無私積世以此稱之庾翼以家國情事

音以兄弟之情則當赴
冰之喪以國事則當治

兵以圖 收復 留子方之為建武將軍戍襄陽方之年少以參軍毛穆之

為建武司馬以輔之穆之寶之子也翼還鎮夏口詔翼復督江州

又領豫州刺史翼辭豫州復欲移鎮樂鄉詔不許翼仍繕修軍器

大佃積穀以圖後舉 趙王虎作河橋於靈昌津采石為中流

故鄉之廢延也城下有延津又西為靈昌津石勒攻劉曜途出子

此以河冰泮為時靈之助張是處為靈昌津大河深廣必下石為

中流兩岸繫巨絙以維船然後可以立橋如石下輒隨流而去用

功五百餘萬而橋不成虎怒斬匠而罷

孝宗穆皇帝上之上

諱明字彭子康帝子也諡法中情見貌 日穆 在位十七年 夢元二永和十二

五月

巳永和元年

肅宗建武十一年燕慕容皝十二年始異 於晉懷李勢太和一年代升平建國八年 春正月

甲戌朔皇太后設白紗帷於太極殿抱帝臨軒改元 趙義陽公

鑿鎮關中役煩賦重文武有長髮者輒拔爲冠親餘以給宮人長
史取髮白趙王虎虎徵還鄴以樂平公苞代鎮長安發雍洛秦
并州十六萬人治長安未央宮虎好獵晚歲體重不能跨馬乃造
獵車千乘刻期校獵自靈昌津南至滎陽東極陽都數千里爲獵
場陽都縣前漢屬城陽國後漢屬琅邪國賈曰陽都故縣在今沂州沂水縣南又曰在承縣南使御史監察其
中禽獸有犯者罪至大辟民有美女佳牛馬御史求之不得皆誣
以犯獸論死者百餘人發諸州二十六萬人修洛陽宮發百姓牛
二萬頭配朔州牧官增置女官二十四等東宮十二等公侯七十
餘國皆九等大發民女三萬餘人料爲三等以配之太子諸公私
令采發者又將萬人郡縣務求美色多強奪人妻殺其夫及夫自
殺者三千餘人至鄴虎臨軒簡第以使者爲能封侯者十二人荆

楚揚徐之民流叛略盡守令坐不能綏懷下獄誅者五十餘人金

紫光祿大夫遼明因侍切諫虎大怒使龍騰拉殺之

龍騰者虎所募壯士

拜爲龍騰中郎者也

燕王皝以牛假貧民使佃苑中稅其十之八自有牛

者稅其七記室參軍封裕上書諫以爲古者什一而稅天下之中

正也降及魏晉仁政衰薄假官田官牛者不過稅其什六自有牛

者中分之猶不取其七八也自永嘉以來海內蕩析武宣王綏之

以德華夷之民萬里輻湊襁負而歸之者若赤子之歸父母是以

戶口十倍於舊無田者什有三四及殿下繼統南摧彊趙東兼高

句麗北取宇文拓地三千里增民十萬戶是宜悉罷苑囿以賦新

民無牛者官賜之牛不當更收重稅也且以殿下之民用殿下之

牛牛非殿下之有將何在哉如此則戎旗南指之日民誰不飢食

壅漿以迎王師石虎誰與處矣川濱溝渠有廢塞者皆應通利旱則灌溉潦則疏泄一夫不耕或受之飢況游食數萬何以得家給人足乎今官司猥多虛費廩祿苟才不周用皆安澄汰工商末利宜立常員學生三年無成徒塞英雋之路皆當歸之於農殿下聖德寬明博察芻蕘參軍王憲大夫劉明竝以言事忤旨主者處以大辟殿下雖恕其死猶免官禁錮夫求諫諍而罪直言是猶適越而北行必不獲其所志矣右長史宋該等阿媚苟容輕劾諫士已無骨鯁嫉人有之掩蔽耳目不忠之甚者也孰乃下令稱覽封記室之諫孤實懼焉國以民爲本民以穀爲命可悉罷苑囿以給民之無田者實貧者官與之牛力有餘願得官牛者竝依魏晉舊法溝瀆各有益者令以時修治今戎事方興勦伐旣多官未可減俟

中原平壹徐更議之工商學生皆當裁擇夫人臣關言於人主至難也雖有狂妄當擇其善者而從之王憲劉明雖罪應廢黜亦由孤之無大量也可悉復本官仍居諫司封生蹇蹇深得王臣之體其賜錢五萬宣示内外有欲陳孤過者不拘貴賤勿有所諱孰雅好文學常親臨庠序講授考校學徒至千餘人頗有妄濫者故封裕及之詔徵衛將軍褚衷欲以爲揚州刺史錄尚書事吏部尚書劉遐長史王胡之說衷曰會稽王令德雅望國之周公也足下宜以大政授之衷乃固辭歸藩夏四月壬戌以會稽王昱爲撫軍大將軍錄尚書六條事昱清虛寡欲尤善元言霄入華林園顧謂左右曰會心處不必在遠翳然林水便自有濠濮間想也覺鳥獸禽魚自來親人居常以甯國劉惔王濛及潁川韓伯爲談客既居

政府又辟郝超爲撫軍掾謝萬爲從事中郎惔字真長少清遠有
標奇與母任氏居京口家貧織芒屨以爲養雖華門陋巷晏如也
人未知識惟王導深器之後稍知名論者比之袁羊惔喜還告其
母其母曰此非汝比勿受之又有方之范汪者惔復喜母又不聽
及惔年德轉升論者遂比之荀彧時孫盛作易象妙於見形論豈
使殷浩難之不能屈豈曰使真長來故應有以制之乃命迎惔惔
至辭甚簡至盛理遂屈濛字仲祖少時放縱不羈不爲鄉曲所齒
及長克己勵行有風流美譽虛己應物恕而後行事諸母甚謹奉
祿資產常推厚居薄喜慍不形于色不脩小潔而以清約見稱美
姿容嘗覽鏡自照稱其父字曰王文開生如此兒邪居貧帽敗自
入市買之嫗悅其貌遺以新帽時人以爲達劉惔常稱濛性至通

而自然有節濛云劉君知我勝我自知時人之稱風流者掣煖濛
爲宗後疾篤于燈下展麈尾視之歎曰如此人會不得四十也及
殯煖以犀柄麈尾置棺中因慟絕久之韓伯字康伯年數歲時值
天大寒母殷氏方爲作襦令伯捉熨斗而謂之曰且著襦尋當作
複韓伯曰不復須禪母問其故對曰火在斗中而柄熱今旣著襦
下亦當暖母甚異之及長清和有思理留心文藝舅殷浩稱之曰
康伯能自標置居然是出羣之器潁川庾敳名重一時少所推服
常曰思理倫和我敬韓康伯志力强正吾愧王文度自此以還我
皆百之矣有人問袁侍中曰殷仲堪何如韓康伯答曰義理所得
優劣乃復未辨然門庭蕭寂居然有名士風流殷不及韓其母亦
高明有行嘗隱古几毀壞卞鞠見几惡欲易之答曰吾若不隱此

汝何以得見古物超鑒之孫也少卓犖不羈父愔簡默沖退而留
於財積錢至數千萬嘗開庫任超所取超散施親故一日都盡萬
安之弟也清曠秀邁亦有時名其初見昱時著白綸巾鶴氅裘履
版而前與昱共談移日乃出時又有許詢者風情簡素尤善清言
劉惔嘗云清風朗月輒思元度詢字元度詢嘗詣昱爾夜風恬月朗乃
其作曲室中語襟情之咏偏是詢之所長辭寄清婉有逾平日昱
雖契素此遇尤相咨嗟不覺造膝共叉手語達于將旦既而曰元
度才情故未易多有詮 燕有黑龍白龍見於龍山龍山在龍安城之東
首游戲解角而去燕王親祀以太牢赦其境內命所居新宮曰
和龍 六月癸亥地震 都亭肅侯庾翼疽發於背表子爰之行
輔國將軍荊州刺史委以後任司馬義陽朱燾爲南蠻校尉以千

人守巴陵秋七月庚午卒翼風儀秀偉少有經綸大略世稱庾文

康為豐年玉稚恭為荒年穀文康亮諡稚恭翼字也翼既至部將干瓚等作

亂殺冠軍將軍曹據朱靈與安西長史江霧建武司馬毛穆之穆

字悲祖小字虎生名犯王靖后諱故改將軍袁真其誅之霧統之

子也八月豫州制史路永奔趙趙王虎使永屯壽春 庾翼

既卒朝議皆以諸庾世在西藩人情所安宜依翼所請以庾爰之

代其任何充曰荆楚國之西門戶口百萬北帶疆胡西鄰勁蜀地

勢險阻周旋萬里得人則中原可定失人則社稷可憂陸抗所謂

存則吳存亡則吳亡者也時抗重沒之疏見八豈可以白面少年

當之哉桓溫英略過人有文武器幹西夏之任無出溫者議者又

曰庾爰之可辭溫乎如令阻兵恥懼不淺充曰溫足以制之諸石

勿憂丹楊尹劉惔每奇溫才常稱之曰眼如紫石棱鬚作虬毛傑
孫仲謀晉宣王之流亞也然知其有不臣之志謂會稽王昱曰溫
不可使居形勢之地其位號常宜抑之勸昱自鎮上流以己爲軍
司昱不聽又請自行亦不聽庚辰以徐州刺史桓溫爲安西將軍
持節都督荆司雍益梁甯六州諸軍事領護南蠻校尉荊州刺史
爰之果不敢爭又以劉惔監河中諸軍事領義成太守代庾方之
徙方之爰之於豫章桓溫嘗聚雪欲獵先過劉惔惔見其裝束甚
嚴謂之曰老賊欲持此何爲溫笑曰我不爲此卿安得坐談乎
漢主勢之弟大將軍庾以勢無子求爲太弟勢不許馬當解思明
諫曰陛下兄弟不多若復有所廢將益孤危固請許之勢疑其與
庾有謀收當思明斬之夷其三族遣太保李奕襲庾於涪城貶庾

晉書永和元年

爲臨邛侯廣自殺思明被收歎曰國之不亡以我數人在也今其殆矣言笑自若而死思明有智略政諫諍馬當素得人心及其死

士民無不哀之

冬十月燕王就使慕容恪攻高句麗拔南蘇

南蘇

城在南陝之東唐平高麗徙南蘇州

置戍而還

十二月張駿伐焉耆降之是歲駿

分武威等十一郡爲涼州以世子重華爲刺史分興晉郡等八郡

爲河州以甯戎校尉張瓘爲刺史分敦煌等三郡及西域都護三

營爲沙州以西胡校尉楊宣爲刺史駿自稱大都督大將軍假涼

王督攝三州始置祭酒郎中大夫舍人謁者等官官號皆倣天朝

而微變其名車服旌旗擬於王者 趙王虎以冠軍將軍姚弋仲

爲持節十郡六夷大都督冠軍大將軍弋仲清儉鯁直不治威儀

言無畏避虎甚重之朝之大議每與參決公卿皆懼而下之武城

左尉虎寵姬之弟也

東武城縣屬清河縣唐通貝州

營入弋仲營侵擾其部眾弋

仲執而數之曰爾爲禁尉

禁尉者言尉職所以禁止姦邪也

迫脅小民我爲大臣

目所親見不可縱也命左右斬之尉叩頭流血左右固諫乃止

燕王皝以爲古者諸侯卽位各稱元年於是始不用晉年號自稱

十二年

燕自是不復稟命于晉矣

趙王虎使征東將軍鄧恆將兵數萬屯樂

安治攻具爲取燕之計燕王皝以慕容霸爲平狄將軍戍徒河恆

畏之不敢犯

丙永初二年

趙石虎建武十二年燕慕容皝十三年春正月丙寅

大赦 己卯都鄉文穆公何充卒充季次道風韻淹雅文義見稱

初辟大將軍王敦掾敦兄含時爲廬江郡貪汙狼籍敦嘗于座中

稱曰家兄在郡定佳廬江人士咸稱之充正色曰充卽廬江人所

聞異於此敦默然傍人皆爲之不安充晏然自若充卽導王妻之姊子充妻明穆王后之妹也故少與導善早歷顯官嘗詣導導以麈尾指牀呼充共坐曰來來此是君坐導繕揚州廨舍顧而言曰正爲次道耳明帝亦友昵之立朝相業爲時所重然性好釋典崇修佛寺供給沙門以百數糜費巨萬而不吝也至於親友貧乏無所贈遺以此獲譏於世阮裕嘗戲之曰卿志大宇宙勇邁終古充問其故裕曰我圖數千戶郡尙未能得卿圖作佛不亦大乎時郗愔與弟曇奉天師道而充與弟準崇信釋氏謝萬譏之云二郗詣于道二何佞于佛充能飲雅爲劉惔所貴惔每云見次道飲令人欲傾家釀言其能溫克也及居相位雖無澄正改革之能而強整有器局臨朝正色以社稷爲己任所選用皆以功效不私親舊

初夫餘居于鹿山

夫餘在元菴北千餘里鹿山蓋直其地杜佑曰夫餘國有印文曰濊王之印國有板城名濊城

蓋本濊貊之地其國在長城之北去元菴

千里南與高麗東與挹婁西與鮮卑接

為百濟所侵

東夷有三韓國一日

馬韓二曰辰韓三曰弁韓馬韓有五十國百濟其一也後漸強

大兼諸小國其國本與句麗俱在遼東之東千餘里

附焉北史云

百濟出自索離國其王出行其侍兒於後莊嚴王還欲殺之侍兒

日前見人上有氣如大彈子來降感故有娠王捨之後生男王置

之豕牢豕以口氣噓之不死後徙於馬爾亦如之王以為神命養

之名曰東男及長善射王忌其猛復欲殺之東明乃奔走南至浹

滌水以弓擊水魚鼈皆為獨東明乘之得渡至夫餘而王竭其後

有仇台者然于仁信始立國于帶方故地漢遼東太守公孫康以

女妻之遂為東夷強國初以百家濟海因號百濟其國東極新羅

句麗西南俱限大海處小海之南東西四百五十里南北九百餘

里

部落衰散西徙近燕而不設備燕王皝遣世子儁帥慕容慕

容恪慕輿根三將軍萬七千騎襲夫餘儁居中指授而已恪身冒

矢石摧鋒而進所向輒潰遂拔夫餘虜其王元及部落五萬餘口

而還皝以元為鎮軍將軍妻以女

二月癸丑以左光祿大夫蔡

謨領司徒與會稽王昱同輔政 褚裒薦前光祿大夫顧和司
徒左長史殷浩三月丙子以和爲尚書令浩爲建武將軍揚州刺
史和有母喪固辭不起謂所親曰古人有釋衰絰從王事者以其
才足幹時故也如和者雖在常日猶不如人況今中心荒亂將何
以補于萬分正足以虧孝道傷風俗耳識者美之浩亦固辭會稽
王昱與浩書曰屬當厄運危弊理及足下沈識淹長足以經濟若
復深存挹退苟遂本懷吾恐天下之事于此去矣足下去就卽時
之廢興則國家不異足下宜深思之浩乃就職 夏四月己酉朔
日有食之 五月丙戌西平忠成公張駿薨官屬上世子重華爲
使持節大都督太尉護羌校尉涼州牧西平公假涼王赦其境內
尊嫡母嚴氏爲太王太后母馬氏爲王太后駿字公庭幼而奇偉

十歲能屬文卓越不羈而淫縱過度常夜出微行姦亂邑里性又貪悭以穀帛付民歲收倍利不充者簿賣田宅以償之及嗣位厲操改節延納謨謀西域長史李柏請討叛將趙貞爲貞所敗議者以柏造謀致敗請誅之駿曰吾以漢武之殺王恢不如秦穆之赦孟明竟以滅罪論因下令國中曰昔蘇厥而禹興芮誅而缺進唐帝所以殄洪災晉侯所以成五霸今法令犯死罪期親不得在朝今盡聽之唯不宜內參宿衛耳嘗議欲嚴刑峻制眾咸以爲宜參軍黃斌獨以爲不可駿屏几改容曰微黃君吾不聞過於坐擢爲敦煌太守境內當大饑穀價踊貴市長譚詳請出倉穀假百姓秋成三倍徵之從事陰據諫曰昔西門豹宰鄴積之於人解扁蒞東封之邑計入三倍文侯以豹有罪而可賞扁有功而可罰今詳欲

因人之饑以要三倍反裘傷皮未足喻也駿納之于是刑清國富羣心咸悅趙中黃門嚴生惡尚書朱軌會久雨生譖軌不修道路又謗詆朝政趙王虎囚之蒲洪諫曰臣聞聖王之御天下也土階三尺茅茨不翦食不累味刑措而不用亡君之御海內也傾宮瓊臺象箸玉杯截脛剖心脯賢刳孕故其亡也忽焉今陛下既有襄國鄴宮又修長安洛陽宮殿將以何用盤于田游耽于女色三代之亡恆必由此而忍作獵車千乘環千里以養禽獸奪人妻女十萬餘口以實後宮聖帝明王之所爲固若是乎今又以道路不修欲殺尚書陛下德政不修天降淫雨七旬乃霽尋方二日雖有鬼兵百萬亦未能去道路之塗潦而況人乎政刑如此其如四海何其如後代何願止作徒隄苑囿出宮女赦朱軌以副眾望虎雖

不悅亦不之罪爲之罷長安洛陽作役而竟誅朱軌又立私論朝政之法聽吏告其君奴告其主公卿以下朝覲以目相顧不敢復

相過從談語

趙將軍王擢擊張重華襲武街執護軍曹權胡宣

張駿置武街軍武街其一也在隴西水經注曰武街縣西七里有武街城晉志武帝分隴西立武街縣屬焉

千餘戶於雍州涼州刺史庾秋將軍孫伏都攻金城太守張冲請

降涼州震恐重華悉發境內兵使征南將軍裴恆將之以禦趙恆

壁於廣武

張寔分金城之令居枝陽二縣又立永登縣合三縣立廣武郡水經注廣武城在枝陽縣西五代志武威郡九

吾縣後魏置曰廣武劉昫曰唐蘭州廣武縣漢枝陽縣地久而不戰涼州司馬張耽言於重華

曰國之存亡在兵兵之勝敗在將今議者舉將多推宿舊夫韓信

之舉非舊德也蓋明主之舉舉無常人才之所堪則授以大事今

疆寇在境諸將不進人情危懼主簿謝艾兼資文武可用以禦趙

重華召艾問以方略艾願請兵七千人必破趙以報重華拜艾中

堅將軍給步騎五千使擊秋艾引兵出振武夜有二梟鳴于耳中

艾曰六博得梟者勝爾雅翼博之采有梟博兼行惡道故以梟為采今梟鳴耳中克敵之

兆也進與趙戰大破之斬首五千級重華封艾為福祿伯福祿縣

來屬酒泉郡宋白曰肅州福祿縣周隋為樂涇縣武德改為福祿取漢舊名也麻秋之克金城也縣令敦

煌車濟不降伏劒而死秋又攻大夏大夏縣漢屬隴西郡張軌分屬普興郡後又分置大夏郡

水經注大夏縣故城在祖罕縣西南北臨洪水對峙日河州大夏縣漢古縣也取縣西大夏水以名之護軍梁式執

太守宋晏以城應秋秋遣晏以書誘致宛成都尉敦煌宋矩矩曰

為人臣功既不成惟有死節耳先殺妻子而後自刎秋曰皆義士

也收而葬之 冬十月地震 漢太保李弈自晉壽舉兵反蜀人

多從之眾至數萬漢主勢登城拒戰弈單騎突門門者射而殺之

其欲皆潰勢大赦境內改元嘉甯勢驕淫不恤國事多居禁中罕

接公卿疏忌舊臣信任左右讒諂竝進刑罰苛濫由是中外離心

蜀土先無獠

縣西南夷名北史曰獠蓋南蠻之別種耶峽川洞之

生男女惟以長幼次第呼之其丈夫稱阿翁阿至是始從山出自

段婦人阿夷阿等之類皆語之次第稱謂也巴西至犍爲梓潼布滿山谷十餘萬落不可禁制大爲民患加以

饑饉四境之內遂至蕭條安西將軍桓溫將伐漢將佐皆以爲

不可江夏相袁喬勸之曰夫經略大事固非常情所及智者了於

胸中不必待眾言皆合也今爲天下之患者胡蜀二寇而已蜀雖

險固比胡爲弱將欲除之宜先其易者李勢無道臣民不附且恃

其險遠不修戰備宜以精卒萬人輕齎疾趨比其覺之我已入其

險要可一戰擒也蜀地富饒戶口繁庶諸葛武侯用之抗衡中夏

若得而有之國家之大利也論者恐大軍既西胡必闚覲此文似

是而非何者胡聞我萬里遠征以爲內有重備必不敢動縱有侵

軼緣江諸軍足以拒守必無憂也溫從之喬瓊之子也袁瓊見九十五卷咸

帝咸康三年十一月辛未溫帥益州刺史周撫南郡太守譙王無忌伐

漢拜表卽行委安西長史范汪以留事加撫都督梁州之四郡諸

軍事梁州四郡涪陵巴東巴西巴郡也使袁喬帥二千人爲前鋒朝廷以蜀道險

遠溫眾少而深入皆以爲憂惟荊陽尹劉惔以爲必克或問其故

惔曰以博知之溫善博者也不必得則不爲但恐克蜀之後溫終

專制朝廷耳惔尹丹陽爲政清整門無雜賓時百姓頗有訟官長

者諸郡往往爲之舉正惔歎曰夫居下訕上傲道也古之善政司

契而已豈不以其敦本正源鎮靜流末乎君雖不君下安可以失

禮若此風不革百姓將往而不返遂寢而不問未幾疾篤百姓欲
爲之祈禱惓曰邱之禱久矣年三十六卒官孫綽爲之誄云居官
無官官之事處事無事事之心時人以爲名言後綽嘗詣惓哀言
及惓流涕曰可謂人之云亡邦國殄瘁哀大怒曰直長平生何嘗
相比數而卿今日作此面向人耶其爲名流所敬重如此惓嘗與
王濛共行日盱眙未食有相識小人貽其餐肴案甚盛惓辭焉濛曰
卿以充虛何苦辭之惓曰小人都不可與作緣 十二月枉矢自
東南流於西北其長竟天

丁永租二年

趙石虎建武十三年燕慕容皝十四年
是歲什翼健建國十年是歲漢亡

春二月桓溫軍

至青衣

青衣縣漢屬蜀郡後漢屬犍為郡
二年更名漢嘉郡立爲漢嘉郡

漢主勢大發兵遣叔父

右衛將軍福從兄鎮南將軍權前將軍督堅等將之

晉書

自山

陽趣合水

山陽之地蓋在岷江之北岷眉山之陽水經注江水東南過犍爲武陽縣青衣水沐水從西南來合注之所謂

合水當諸將欲設伏於江南以待晉兵督堅不從引兵自江北爲

驚碕渡向犍爲

碕曲岸也犍爲唐嘉州犍爲縣其地在州東南○犍音奇

三月溫至彭模

即漢犍爲郡武陽縣之彭也犍也岑彭死盡水經注江水自武陽東至彭亡聚謂之平陵水亦曰外水平模去成都二百里在今眉

州彭議者欲分爲兩軍異道俱進以分漢兵之勢袁喬曰今懸軍

深入萬里之外勝則大功可立不勝則噍類無遺當合勢齊力以

取一戰之捷若分兩軍則眾心不一萬一偏敗大事去矣不如全

軍而進棄去釜甑三日糧以示無還心勝可必也溫從之蜀參

軍孫盛周楚將麻兵守輜重溫自將步卒直指成都楚撫之子也

李福進攻彭模孫盛等奮擊走之溫進遇李權三戰三捷漢兵散

走歸成都鎮軍將軍李位都迎詣溫降督堅至犍爲乃知與溫異

道還自沙頭津濟北至溫已軍於成都之十里陌堅馭自潰勢乘

眾出戰于成都之笮橋

水經注萬里橋西上日夷橋亦曰笮橋

溫前鋒不利參軍龔

護戰死矢及溫馬首眾懼欲退而鼓吏誤鳴進鼓袁喬拔劍督士

卒力戰遂大破之溫棄勝長驅至成都縱火燒其城門漢人惶懼

無復鬪志勢夜開東門走至葭萌使散騎常侍王幼送降文於溫

自稱略陽李勢叩頭死罪尋與楓面縛詣軍門溫解縛焚楓送勢

及宗室十餘人於建康引漢司空譙獻之等以爲參軍舉賢旌善

蜀人悅之先是勢未亡時頻有怪異宮人張氏有治容勢寵之一

夕化爲大斑理蛇長丈餘送於苑中夜復來寢牀下勢懼遂殺之

復有鄼美人勢亦寵之化爲雌虎一夕食勢寵姬未幾而死成都

北鄉有人望見女子避入草中往視見物如人有身形頭目無手

足而動搖不能言至是果亡溫既平蜀集僚佐置酒於李勢殿巴
蜀指神莫不來萃溫既素有雄情爽氣加爾日音調英發敘古今
成敗由人存亡戮才其狀磊落一坐歎賞既散諸人追味餘言於
時尋陽周馥曰恨卿輩不見王大將軍王大將軍者王敦也 日
南太守夏侯覽貪縱侵刻胡商又科調船材云欲有所計由是諸
國恚憤林邑王文攻陷日南將士死者五六千殺覽以尸祭天檄
交川刺史朱蕃請以郡北橫山爲界嶺山在日南郡北界文既去蕃使督護
劉雄戍日南 漢故尚書僕射王翬鎮東將軍郗定平南將軍王
潤將軍隗文等皆舉兵反眾各萬餘桓溫自擊定使袁喬擊文皆
破之溫命益州刺史周撫鎮彭模斬王翬王潤溫留成都三十日
振旅還江陵初溫在蜀納李勢妹爲妾甚有寵及歸常置別室南

康公主初不知也既而聞之率數十婢拔白刃襲之正值李梳頭
髮委藉地膚色玉曜不爲動容徐曰國破家亡無心至此今日若
能見殺乃是本懷主于是擲刀前抱之曰阿子我見汝猶憐況老
奴乎遂善遇之 李勢至建康封歸義侯 夏四月地震 丁巳
鄧定隗文等入據成都征虜將軍楊謙棄涪城退保德陽 趙涼
州刺史麻秋攻枹罕晉昌大守耶坦以城大難守欲棄外城武成
太守張俊曰棄外城則動眾心大事去矣甯戎校尉常據從俊言
固守大城改正甯戎校尉常據通鑑原文作張璠此從晉書張重
華傳而書之也然按十六國春秋常據傳則此處之從
張俊言守大城者及孝武帝太元元年苻堅伐涼州張天錫遣征
東將軍帥眾三萬軍洪池者卽此常據一人也今通鑑于此處則
書張璠于太元元年天錫所遣征東將軍則又書常據似
分張璠掌據爲二人矣今從十六國春秋俱改作常據 秋帥眾
八萬圍漸數重雲梯地突百道皆進地突者爲地道 城中禦之秋

眾死傷數萬趙王虎復遣其將劉渾等帥步騎二萬會之郎坦恨言不用教軍士李嘉潛引趙兵千餘人登城據督諸將力戰殺二百餘人趙兵乃退據斬李嘉以徇燒其攻具秋退保大夏虎以中書監石甯爲征西將軍帥并司州兵二萬餘人爲秋等後繼張重華將宋秦等帥戶二萬降于趙重華以謝艾爲使持節軍師將軍帥步騎三萬進軍臨河艾乘輅車戴白帽輅音遙帽音恰鳴鼓而行秋望見怒曰艾年少書生冠服如此輕我也令黑稍龍驤三千人馳擊之艾左右大擾或勸艾宜乘馬艾不從下車踞胡牀指麾處分趙人以爲有伏兵懼不敢進別將張瑁自開道引兵截趙軍後趙軍退艾乘勢進擊大破之斬其將杜勳汲魚獲首虜萬三千級秋單馬奔大夏五月秋與石甯復帥眾十二萬進屯河南劉甯王擢略

地晉興廣武武街至於曲柳

曲柳地名在洪池嶺北

張重華使將軍牛旋拒

之退守枹罕始臧大震重華欲親出拒之謝艾固諫索退曰君者

一國之鎮不可輕動乃以艾爲使持節都督征討諸軍事行衛將

軍退爲軍正將軍

古有軍正黃帝法曰正無屬將軍將軍有罪以聞蓋軍中執法者也引氏遂以爲將軍之號

帥步騎二萬拒之別將楊康敗劉甯於沙阜甯退屯金城 六月

辛酉大赦 先是詔徵前東陽太守阮裕爲光祿大夫琅邪王師

久之不起御史大夫周閔奏裕違詔累載請禁錮終身詔特原之

裕以德業知名嘗爲王敦主簿甚被知遇裕以敦有不臣之心乃

終日酣暢以酒廢職敦謂裕非實才徒有虛譽乃出爲溧陽令復

以公事免官由是得違敦難論者貴之裕家居會稽剡山徵辟皆

不就 有肥遯之志或以問王羲之羲之曰此公不驚寵辱雖古之

沈冥何以過之時謂裕骨氣不及逸少簡秀不如真長韶潤不如

仲祖

逸少者王羲之字員長者劉俊字仲祖者王濛字

思致不如殷浩而兼有諸人之美

成帝崩裕赴山陵事畢便還諸人相與追之至方山不相及劉惔

歎曰我入東正當泊安石渚下耳不敢復近思曠傍

思曠裕字也

裕嘗

云人不須廣學正應以禮讓爲先故終日靜默無所脩綜而物自

宗焉在剡時曾有好車借無不給有人葬母意欲借而不敢言後

裕聞之歎曰吾有車而使人不敢借何以車爲遂焚之 秋七月

林邑復陷日南殺督護劉雄 隗文鄧定等立故國師範長生之

子賁爲帝而奉之以妖異惑眾蜀人多歸之 趙王虎復遣征西

將軍孫伏都將軍劉渾帥步騎二萬會麻秋軍長驅濟河擊張重

華遂城長最

長最地名在金城河北

謝艾建牙誓眾有風吹旌旗東南指索

寇曰風爲號令今旌旗指敵天所贊也艾軍於神烏王憚與艾前
鋒戰敗走還河南八月戊午艾進擊秋大破之秋遁歸金城虎烈
之歎曰吾以偏師定九州今以九州之力困於枹罕彼有人焉未
可圖也艾還討叛虜斯骨真等萬餘落皆破平之 趙王虎貪而

無厭既已據十州之地

幽并冀司康克
齊魯雍秦十州

聚斂金帛及外國所獻珍

異府庫財物不可勝紀猶自以爲不足悉發前代陵墓取其金寶

邯鄲城西石子岡上有趙簡子墓虎令發之初得炭深丈餘次得

木板厚一尺積板厚八尺乃及泉其水清冷非常作絞車以牛皮

囊汲之月餘而水不盡不可發而止又發秦始皇冢取銅柱鑄以

爲器沙門吳進言於虎曰胡運將衰晉當復興宜苦役晉人以厭

其氣虎使尙書張羣發近郡男女十六萬人車十萬築運土築華

林苑及長牆於鄴北廣袤數十里

附錄種名果奇花于內有西王母棗九月生華十二月乃熟三

子一尺句與桃重二斤半李有冬花春熟者安石榴有大如碗而不酸者

申鍾石璞趙攬等上疏陳天

文錯亂百姓彫弊虎大怒曰使苑牆朝成吾夕沒無恨矣促張羣

使然燭夜作暴風大雨死者數萬人郡國前後送蒼麟十六白鹿

七虎命司膜張曷柱調之以薦芝蓋

芝蓋者蓋為瑞芝之形

大朝會列於殿

庭錫州獻黃鵠鵠五頸長一丈聲聞十餘里泛之於元武池俄化

為龜九月地震天裂雨血於鄴城廣十餘里虎命太子宣出祈福

於山川因行遊獵宜桑大輅羽葆華蓋建天子旌旗十有六軍戎

卒十八萬出自金門門虎從其後官升陵霄觀望之笑曰我家父

子如此自非天崩地陷當復何愁但抱子弄孫日為樂耳宣所舍

輒列人為長闌四面各自驅禽獸至暮皆集其所使文武皆跪

立重行圍守炬火如晝命勁騎百餘馳射其中宣與姬妾棄輦臨
觀默燕而止或獸有迸逸當圍守者有爵則奪馬步驅一日無歸
則鞭之一百士卒飢凍死者萬有餘人所過三州十五郡資儲皆
無孑遺虎復命韜繼出自并州至於秦雍亦如之宣怒其與己鈞
敵愈嫉之宦者趙生得幸於宣而無寵于韜微勸宣除之於是始
有殺韜之謀矣 趙廩秋又襲張重華將張瑄敗之斬首三千餘
級枹罕護軍李達帥眾七千降於趙自河以南氐羌皆附于趙
冬十月乙丑遣侍御史俞歸至涼州授張重華侍中大都督督隴
右關中諸軍事大將軍涼州刺史西平公歸至姑臧重華欲稱涼
王未肯受詔使所親沈猛私謂歸曰主公奔世爲晉忠臣今曾不
如鮮卑何也朝廷封慕容皝爲燕王而主公纔爲大將軍何以褒

勸忠賢乎明臺宜移河右其勸州主爲涼王人臣出使苟利社稷
專之可也歸曰吾子失言昔三代之王也爵之貴者莫若上公及
周之衰吳楚始僭號稱王而諸侯不之非蓋以蠻夷畜之也借使
齊魯稱王諸侯豈不四面攻之乎漢高祖封韓彭爲王尋皆誅滅
蓋權時之宜非厚之也聖上以貴公忠賢故爵以上公任以方伯
寵榮極矣豈鮮卑夷狄所可比哉且吾聞之功有大小賞有重輕
今貴公始繼世而便爲王若帥河右之眾東平胡羯修復陵廟迎
天子返洛陽將何以加之乎重華乃止 武都氏王楊初遣使來
稱藩詔以初爲使持節征南將軍雍州刺史仇池公 十二月辰
威護軍蒲敬文殺征虜將軍楊謙攻涪城陷之自稱益州牧遂取
巴西通於漢中

資治通鑑補卷九十七終

資治通鑑補

卷九十七

晉紀十七

五

四